



宋本

春秋左氏傳

一二



仁12
1726
1-15

安政丙辰刺成

田邊先生讀本

宋版翻刻

春秋左氏傳

全三十冊

東都書肆

知新堂
錦耕堂

合梓

知新
錦耕
書匯

春秋經傳集解序

春秋者魯史記之名也。記事者以事繫日。以日繫月。以月繫時。以時繫年。所以紀遠近。別同異也。音龍故史之所記。必表年以首事。年有四時。故錯舉以爲所記之名也。周禮有史官。掌邦國四方之事。達四方之志。諸侯亦各有國史。大事書之於策。小事簡牘而已。孟子曰。楚謂之檮杌。晉謂之乘。而魯謂之春秋。其實一也。去聲韓宣子適魯。宣子名起。晉大夫。適魯在昭二年。



見易象與魯春秋曰周禮盡在魯矣

忍反。盡津。

此放吾乃今知周公之德與周之所以王

于。王。況。

反。又。如字。韓子所見蓋周之舊典禮經也周德既

衰官失其守上之人不能使春秋昭明赴告

策書

反。又。如字。

諸所記注多違舊章仲尼因

魯史策書成文考其真偽而志其典禮上以

遵周公之遺制下以明將來之法其教之所

存文之所害則刊而正之以示勸戒其餘則

皆即用舊史史有文質辭有詳略不必改也

故傳曰其善志又曰非聖人孰能脩之蓋周

公之志仲尼從而明之左丘明受經於仲尼

以為經者不刊之書也故傳或先經以始事

先。

或後經以終義

後。

或依經以辯理或

錯經以合異隨義而發其例之所重

重。舊

史遺文略不盡舉非聖人所脩之要故也身

為國史躬覽載籍必廣記而備言之其文緩

其旨遠將令學者原始要終

要。

尋其枝葉

究其所窮優而柔之使自求之饜而飫之使

自趨之

○趨七住反。又平聲。

若江海之浸膏澤之潤渙

然冰釋怡然理順然後為得也其發凡以言

例皆經國之常制周公之垂法史書之舊章

仲尼從而脩之以成一經之通體其微顯闡

幽裁成義類者皆據舊例而發義指行事以

正褒貶諸稱書不書先書故書不言不稱書

曰之類皆所以起新舊發大義謂之變例然

亦有史所不書即以為義者此蓋春秋新意

故傳不言凡曲而暢之也其經無義例因行

事而言則傳直言其歸趣而已

○趣去聲。

非例也

故發傳之體有三而為例之情有五

○偽為反。又

如字一曰微而顯文見於此而起義在彼

○見音現。

同下稱族尊君命舍族尊夫人梁亡城緣陵之

類是也

○音捨。

二曰志而晦約言示制推以知

例參會不地與謀曰及之類是也

○參音驂。又音三。與

預音三曰婉而成章曲從義訓以示大順諸所

諱辟壁假許田之類是也

○辟本作避。音同。後放此。

四曰

盡而不汙

○汙音紆。曲也。

直書其事具文見意丹楨

刻桷。天王求車。齊侯獻捷之類是也。五曰懲惡而勸善。求名而亡。欲蓋而章。書齊豹盜。三叛人名之類是也。推此五體以尋經傳。觸類而長之。上聲附于二百四十二年行事。王道之正。人倫之紀備矣。或曰。春秋以錯文見義。若如所論。則經當有事同文異而無其義也。先儒所傳。皆不其然。荅曰。春秋雖以一字為褒貶。然皆須數句以成言。反。下同。數。色主。非如八卦之爻。可錯綜為六十四也。固當依傳以為

斷。古今言左氏春秋者多矣。今其遺文可見者十數家。大體轉相祖述。進不得為錯綜經文。以盡其變。退不守丘明之傳。於丘明之傳有所不通。皆沒而不說。而更膚引公羊穀梁適足自亂。預今所以為異。專脩丘明之傳。以釋經。經之條貫。必出於傳。亂反。貫古。傳之義例。摠歸諸凡。推變例以正褒貶。簡二傳而去異端。上聲。去聲。蓋丘明之志也。其有疑錯。則備論而闕之。以俟後賢。然劉子駿創通大義。賈景伯

父子許惠卿皆先儒之美者也。未有穎子嚴者。雖淺近亦復名家。復扶又反下同故特舉劉賈許穎之違以見同異。分經之年與傳之年相附。比其義類。比毗志反各隨而解之名曰經傳集解。又別集諸例及地名譜第歷數。譜布古反相與爲部。凡四十部十五卷。皆顯其異同從而釋之。名曰釋例。將令學者觀其所聚異同之說。釋例詳之也。或曰春秋之作左傳及穀梁無明文。說者以爲仲尼自衛反魯脩春秋

立素王。

王去聲下王魯素王同

丘明爲素臣。言公羊者

亦云黜周而王魯。危行言孫以辟當時之害。故微其文隱其義。公羊經止獲麟而左氏經終孔丘卒。敢問所安。荅曰異乎。余所聞仲尼曰文王既沒文不在茲乎。此制作之本意也。歎曰鳳鳥不至河不出圖吾已矣夫。蓋傷時王之政也。麟鳳五靈王者之嘉瑞也。今麟出非其時。虛其應而失其歸。此聖人所以爲感也。絕筆於獲麟之一句者。所感而起固所以

為終也。曰：然則春秋何始於魯隱公？荅曰：周平王東周之始王也。隱公讓國之賢君也。考乎其時則相接。言乎其位則列國本乎其始。則周公之祚胤也。若平王能祈天永命，紹開中興。仲反隱公能弘宣祖業，光啓王室，則西周之美可尋，文武之迹不隊。是故因其歷數，附其行事，采周之舊，以會成王義，垂法將來。所書之王，即平王也。所用之歷，即周正也。所稱之公，即魯隱也。安在其黜周而王魯乎？

子曰：如有用我者，吾其為東周乎？此其義也。若夫制作之文，所以章往考來，情見乎辭，言高則旨遠，辭約則義微，此理之常，非隱之也。聖人包周身之防。防扶放反。又音房。既作之後，方復隱諱以辟患，非所聞也。子路欲使門人為臣，孔子以為欺天，而云仲尼素王，丘明素臣，又非通論也。先儒以為制作三年，文成致麟，既已妖妄，又引經以至仲尼卒，亦又近誣。據公羊經止獲麟，而左氏小邾射不在三叛之數。

○射音亦故余以為感麟而作。作起獲麟則文止於所起。為得其實。至於反袂拭面。稱吾道窮亦無取焉。

孟子曰。天將降大任於斯人也。必先苦其心志。勞其筋骨。餓其體膚。空乏其身。行拂亂其所為。所以動心忍性。曾益其所不能。人皆曰。古之賢人也。今之有命也。曰。天將降大任於斯人也。必先苦其心志。勞其筋骨。餓其體膚。空乏其身。行拂亂其所為。所以動心忍性。曾益其所不能。人皆曰。古之賢人也。今之有命也。曰。天將降大任於斯人也。必先苦其心志。勞其筋骨。餓其體膚。空乏其身。行拂亂其所為。所以動心忍性。曾益其所不能。

春秋經傳集解隱公第一

隱公名息姑。惠公之子。母聲子。謚法。不戶其位曰隱。

杜氏註

盡十一年

傳惠公元妃孟子

言元妃。明始適夫人也。子宋姓。惠公名不皇。謚法。

愛人好與曰惠適丁歷反

孟子卒

不稱薨。不成喪也。無謚。先夫死。不得從夫謚。

謚實至反

繼室以聲子。生隱公

聲謚也。蓋孟子之姪。弟也。諸侯始娶。

則同姓之國。以姪弟。媵元妃死。則次妃攝治內事。猶不得稱夫人。故謂之繼室。姪直結反。又丈一反。兄女也。宋武公生仲子。仲子生

而有三文在其手。曰為魯夫人。故仲子歸于我。

隱元年

左傳卷一

春秋左傳卷一

婦人謂嫁曰歸。以手理自然成字。有若天命。故嫁之於魯。婦人謂嫁曰歸。本或無曰字。此依公羊傳。

生桓公而惠公薨

言歸魯而生男。惠公不以桓生之年

薨。是以隱公立而奉之。

隱公繼室之子。當嗣世。以禎祥之故。追成

父志。為桓尚少。是以立為太子。帥國人奉之。為經元年。春不書即位。傳。禎音貞。為桓于偽反。大舊大字皆作大。後大字皆放此。

經元年春王正月

隱公之始年。周王之正月也。凡人君即位。欲其體元

以居正。故不言一年一月也。隱雖不即位。然攝行君事。故亦朝廟告朔也。告朔。朝正例在襄二十九年。即位例在隱莊三月。公及邾儀

父盟于蔑

附庸之君。未王命。例稱名。能自通于大國。繼好息民。故書字。貴之名。

例在莊五年。邾。今魯國鄒縣也。蔑。姑蔑。夏五

月。鄭伯克段于鄆

不稱國討。而言鄭伯。譏失教也。段不弟。故不言弟。明

鄭伯雖失教。而段亦凶逆。以君討臣。而用二君之例者。言段强大。雋傑。據大都。以耦國。所謂得雋曰克也。國討例在莊二十二年。得雋例在莊十一年。母弟例在宣十七年。鄭在熒

陽宛陵縣西南。鄆。今潁川鄆陵縣。秋七

月。天王使宰咺來歸惠公仲子之貺

宰官也。咺。名也。

贈死不及尸。弔生不及哀。豫凶事。故貶而名之。此天子大夫稱字之例。仲子者。桓公之母。婦人無諡。故以字配姓。來者。自外之文。九月。歸者。不反之辭。咺呼阮反。貺芳鳳反。

及宋人盟于宿

客主無名。皆微者也。宿。小國。東平無鹽縣也。凡盟以國地

隱元年

左傳卷一

者國主亦與盟。例在僖十九年。宋今冬十有

二月祭伯來

祭伯諸侯為王卿士者祭國伯也。傳曰非王命也。釋其不稱

使。傳祭側界

公子益師卒

傳例曰公不與小

示。傳祭仲同。公子益師卒。斂。故不書曰所以

獨託曰以見義者。事之得失。既未足以褒貶

人君。然亦非死者之罪。無辭可以寄文。而人

臣輕賤死日可略。故特假日以見義。斂力

驗反見賢

遍反下同

傳元年春王周正月。言周以別夏殷。別彼

號。可以

不書即位攝也

假攝君政。不脩即位

意求

傳所以見異於

常。見賢遍反。三月公及邾儀父盟于蔑邾

子克也

父名儀

未王命。故不書爵。曰儀父貴之

也

王未賜命。以為諸侯。其後儀父服事齊桓

書邾子克卒

故不書爵

公攝位而欲求好

一本無故字。將丈反

於邾故為蔑之盟

解所以與盟也

夏四月費

伯帥師城郎。不書非公命也

縣東南有郁郎亭。傳曰君舉必書。然則史之

策書皆君命也。今不書於經。亦因史之舊法

故傳釋之。諸魯事。傳釋不書他

皆放此。費音祕。郁於六反。初鄭武公娶

于申曰武姜

申國。今南陽宛

生莊公及其叔

段

段出奔共。故曰共叔。猶晉侯在

莊公寤生

段。謂之鄂侯。共音恭。地名。莊公寤生

驚姜氏故名曰寤生遂惡之

寐寤而莊公已生故驚而惡之

寤五故反惡鳥路反

愛共叔段欲立之

欲立以爲大子亟請

於武公公弗許及莊公即位爲之請制公曰

制巖邑也虢叔死焉他邑唯命

虢叔東虢君也特制巖險

而不脩德鄭滅之恐段復然故開以他邑虢國今災陽縣

瓜伯反請京使居之謂之京城大叔

公順姜請使段

居京謂之京城大叔言寵異於衆臣京鄭邑今災陽京縣

祭仲

曰都城過百雉國之害也

祭仲鄭大夫方丈曰堵三堵曰雉一

雉之牆長三丈高一丈侯伯之城方五里徑三百雉故其大都不得過百雉

又如字先王之制大都不過參國之一

三分國城之一中五之一小九之一今京

不度非制也

不合法度

君將不堪公曰姜氏

欲之焉辟害對曰姜氏何厭之有不如早爲

之所

使得其所宜

無使滋蔓蔓難圖也

蔓草猶不可除況君之寵弟乎公曰多行不

義必自斃子姑待之

斃路也姑且也

既而大

叔命西鄙北鄙貳於己

鄙鄭邊邑貳兩屬

公子呂曰

國不堪貳君將若之何

鄭公子呂

欲與大叔臣

請事之。若弗與，則請除之。無生民心。叔父不除，則舉

國之民。當生他心。公曰：「無庸。」將自及。言無用除之。禍將自及。大

叔又收貳，以為己邑。前兩屬者，今皆取以為己邑。至于廩

延。言轉侵多也。廩，延鄭邑。陳留酸。子封曰：可

矣。厚將得衆。子封。公子呂也。厚，謂土地廣大。公曰：「不義，不暱。」

厚將崩。不義於君，不親於兄，非衆所附。雖厚必崩。暱，女乙反。親也。大叔

完聚。完，城郭聚人。民。完音桓。繕甲兵，具卒乘。步曰卒，車曰乘。

市戰反。乘，繩。證反。下同。將襲鄭。夫人將啓之。啓，開也。公聞

其期，曰：「可矣。」命子封帥車二百乘以伐京。古者

兵車一乘，甲士三人。步卒七十二人。京叛大叔段，段入于鄆。公

伐諸鄆。五月辛丑，大叔出奔共。共，國。今汲郡共縣。共音

恭。書曰：「鄭伯克段于鄆。」段不弟，故不言弟。如

二君，故曰克。稱鄭伯，譏失教也。謂之鄭志，不

言出奔，難之也。傳言夫子作春秋，改舊史，以明義，不早為之所，而養成其

惡。故曰失教。段實出奔，而以克為文。明鄭伯志在於殺，難言其奔。難，乃旦反。遂寘

姜氏于城潁。城潁，鄭地。寘，鄭反。而誓之曰：「不及黃

泉，無相見也。」地中之泉。故曰黃泉。既而悔之，潁考叔為

潁谷封人。封人，典封疆者。聞之，有獻於公。公賜之食。

食舍肉。公問之。對曰：「小人有母，皆嘗小人之

食矣。未嘗君之羹，請以遺之。」食而不啜羹。欲以發問也。宋華

元殺羊為羹饗士。蓋古賜賤官之常。舍音捨。遺唯季反。下同。華戶化反。公曰：「爾

有母遺，繫我獨無。」繫語助。今反。又烏帝反。穎考叔曰：

「敢問何謂也？」據武姜在。設疑也。公語之故，且告之悔。

對曰：「君何患焉？若闕地及泉，隧而相見，其誰

曰不然？」隧若今延道。語音遂。反。關其月反。隧音遂。公從之。公入

而賦，大隧之中，其樂也。融融賦詩也。融音融。和樂也。樂音

洛。下同。姜出而賦，大隧之外，其樂也。洩洩舒散。

也。洩羊世反。遂為母子如初。君子曰：「穎考叔，純孝

也。」純猶篤也。愛其母，施及莊公。詩曰：「孝子不匱，永

錫爾類。」其是之謂乎？不匱純孝也。莊公雖失感而通之。所謂永錫爾類。詩人之作。各以情言。君子論之。不以文害意。故春秋傳引詩。皆不與今說詩者同。他皆放此。

施以鼓反。又式智反。匱其位反。秋七月，天王

使宰咺來歸惠公仲子之賵。緩且子氏未薨，

故名。惠公葬在春秋前。故曰緩也。子氏。仲子也。薨在二年。贈助喪之物。天子

七月而葬。同軌畢至。言同軌以別四夷。別彼列反。諸侯

五月同盟至。同在此方。嶽之盟。大夫三月同位至。古者行役

隱元年

左傳卷一

六

不踰時士踰月外姻至此言赴弔各以遠近為

差。因為贈死不及尸。尸未葬之通稱。弔生不

及哀。諸侯已土。既葬則練麻除。無哭位。諒闇

音良。閭。豫凶事。非禮也。故曰豫凶事。八月。

紀人伐夷。夷不告。故不書。夷國在城陽莊武

縣。隱十一年傳例曰。凡諸侯有命。告則書。不

然則否。史不書於策。故夫子亦不書于經。傳

見其事。以明春秋例也。有蜚。不為災。亦不書

他皆放此。○蜚音官。惠公之季年。敗宋師

于黃。黃。宋邑。陳留外黃縣東有黃。公立而求

成焉。九月。及宋人盟于宿。始通也。經無義例。

其歸趣而已。冬十月。庚申。改葬惠公。公弗臨。

故不書。以桓為太子。故隱公讓而不敢。惠公

之薨也。有宋師。太子少葬。故有闕。是以改葬

。○少。衛侯來會葬。不見公。亦不書。諸侯會葬。

得接公成禮。故不書於策。他皆放。鄭共叔之

亂。公孫滑出奔衛。公孫滑共叔段之子。衛

人為之伐鄭。取廩延。鄭人以王師。虢師伐衛。

南鄙統城。西統國也。弘農陝縣東南有。請師於

邾邾子使私於公子豫公子豫。魯大夫。私。豫

請往。公弗許。遂行。及邾人。鄭人盟于翼翼。邾地。

不書。非公命也。新作南門。不書。亦非公命也。

非公命。不書。三見者。皆興作大事。各舉以備文。十二月。祭伯來。非王

命也。衆父卒。衆父。公子益師字。公不與小斂。故

不書。日。禮。卿佐之喪。小斂。大斂。君皆親臨之。崇恩厚也。始死。情之所篤。禮之所崇。

故以。小斂。爲文。至於但臨。大斂。及不臨其喪。亦同。不書。日。與音預。斂。力驗反。注皆同。

經二年春。公會戎于潛。戎。狄。夷。蠻。皆氏。羌之別種也。戎而書。會者。

順其俗。以爲禮。皆謂居中國。若戎子駒支者。陳留濟陽縣東南有。戎城。潛。魯地。

反羗。郤。良反。種章。勇反。駒音拘。夏五月。莒人

入向。向。小國也。譙國龍亢縣東南有。向城。莒國。今城陽莒縣也。將卑師少。稱人。弗地。

曰。入。例在襄十三年。向無駭帥師入極。無駭。舒亮反。亢音剛。又苦浪反。

魯卿。極。附庸小國。無駭。不書氏。未秋。八月。庚

辰。公及戎盟于唐。高平。方與縣北有。武唐亭。八月。無庚辰。庚辰。七月九

日也。日月必有誤。九月。紀裂繻來逆女。裂繻。紀大

夫。傳曰。卿爲君逆也。以別卿自逆也。逆女。或稱使。或不稱使。昏禮。不稱主人。史各隨其實。

而書。非例也。他。冬十月。伯姬歸于紀。無傳。伯姬。魯女。

裂繻所

紀子帛莒子盟于密

子帛裂繻字也。莒魯有怨。紀侯

既昏于魯。使大夫盟莒。以和解之。子帛為魯結好。息民。故傳曰。魯故也。比之內大夫。而在

莒子上。稱字。以嘉之也。字例在閔元年。密莒邑。城陽。淳于縣東北有密鄉。○帛音白。解如

字。又戶買反。十有二月乙卯。夫人子氏薨。

桓未為君。仲子不應稱夫人。隱讓桓以為大子。成其母喪。以赴諸侯。故經於此。稱夫人也。

不反哭。故不書。鄭人伐衛。凡師有鐘鼓曰伐。葬例在三年。鄭人伐衛。例在莊二十九年。

傳二年春公會戎于潛脩惠公之好也戎請

盟公辭許其脩好而不許其盟。禦夷狄者不壹而足。○好呼報反。下同。莒子

娶于向向姜不安莒而歸夏莒人入向以姜

氏還

傳言失昏姻之義。凡得失小。故經無異文。而傳備其事。案文則是非足以為戒。

他皆放此。○還音旋。後皆同。司空無駭入極費季父勝之

魯司徒司馬司空皆卿也。季父費伯也。前年城郎。今因得以勝極。故傳於前年發之。○季

音琴。戎請盟秋盟于唐復脩戎好也○又反。復扶九

月紀裂繻來逆女卿為君逆也○為于冬紀

子帛莒子盟于密魯故也鄭人伐衛討公孫

滑之亂也治元年取廩延之亂。

經三年春王二月己巳日有食之無傳。日行遲。一歲一

周天。月行疾。一月一周天。一歲凡十二交會。然日月動物。雖行度有大量。不能不小有盈

隱三年

左傳卷一

九

縮故有雖交會而不食者或有頻交而食者
唯正陽之月君子忌之故有伐鼓用幣之事
今釋例以長歷推經傳明此食是二月朔也
不書朔史失之書朔日例在桓十七年○已
已上音紀下音祀後倣此食如字三月庚戌
本或作蝕音同量音亮縮所六反
天王崩至故遠日以赴春秋不書實崩日而
書遠日者即傳其偽以懲創臣子之過也襄
二十九年傳曰鄭上卿有事使印段如周會
葬今不書葬魯不會○夏四月辛卯君氏卒
即傳直專反印因刃反
隱不敢從正君之禮故
亦不敢備禮於其母
秋武氏子來求賻武
子天子大夫之嗣也平王喪在殯新王未得
行其爵命聽於冢宰故傳曰王未葬釋其所
以稱父族又不稱使也魯不共奉王喪致令
有求經直文以示不敬故傳不復具釋也○

賻音附

八月庚辰宋公和卒

稱卒者略外以

共音恭

夫盟於宿故赴以名

冬十有二月齊侯鄭伯

盟于石門

來告故書石門齊地或曰濟水之門

葬宋穆公

無傳魯使大夫會葬故書始死書

改赴書也書葬則舉謚稱公者會葬者在
據彼國之辭也書葬例在昭六年○為于偽

反惡鳥

路反
傳三年春王三月壬戌平王崩赴以庚戌故

書之夏君氏卒聲子也不赴于諸侯不反哭

于寢不祔于姑故不曰薨不稱夫人故不言

葬

夫人喪禮有三。薨則赴於同盟之國。一也。既葬。日中自墓反虞於正寢。所謂反哭于

寢

二也。卒哭而祔於祖姑。三也。若此則書曰

夫人某氏薨

葬我小君某氏。此備禮之文也。

其或不赴

不祔。則為不成喪。故死不稱夫人。

薨葬

不言葬。我小君某氏。反哭則書葬。不反

哭則不書葬

今聲子三禮皆不書姓。為公故。

闕釋例論之詳矣

祔音附。不書姓。為公故。

曰君氏

不書姓。辟正夫人也。隱見為君。故特

公于鄭武公

莊公為平王卿士。卿士。王卿之

偽反鄭武公

執政者言父

子秉周

王貳于虢。虢。西虢公。亦仕王朝。王欲

之政

不復專在鄭伯

而鳩反後不音者皆同

鄭伯怨王。王曰無

之故

周鄭交質。王子狐為質於鄭。鄭公子忽

為質於周

王子狐。平王子。質。王崩。周人將

昇虢公政

周人遂成平王本意。四月。鄭祭足

帥師取溫之麥

秋。又取成周之禾。四月。今二

之夏也

麥禾皆未熟。言取者。蓋芟踐之。溫。今

河內溫縣

成周。洛陽縣也。祭。側界反。芟。所

反銜

周鄭交惡。兩相疾惡。君子曰。信不由中。質無益

也

明恕而行。要之以禮。雖無有質。誰能間之。

苟有明信

澗。谿。沼。汴之毛。谿亦澗也。沼。池也。

要於

蘋。蘩。藇。藻之菜。蘋。大萍也。蘩。蒿。藇。蘓

遙反

蘓。聚藻也。蘓。紆粉

蒲多反

白蒿也。筐。筥。錡。釜之器。方曰筐。圓曰

釜

無足曰釜。

二傳卷一

上

有足曰錡。匱丘方反。匱九呂反。錡其綺反。匱篋皆器也。潢汙行潦之水

潢汙音黃汙音烏。行潦音潦。流潦音潦。可薦於鬼神。可羞於王

公。羞進也。而況君子結二國之信。行之以禮。又

焉用質。通言盟約彼此之情。故言二國。焉於虔反。風有采蘩采

蘋。采蘩采蘋。詩國風。義取於不嫌薄物。雅有行葦。泂酌詩大雅。義取於共祭祀也。昭忠信也。明

忠信之行。雖薄物皆行潦可以共祭祀也。武氏子來求賻。王未葬

也。宋穆公疾。召大司馬孔父而屬殤公焉。曰。

先君舍與夷而立寡人。先君穆公兄宣公也。與夷宣公子。即所屬

殤公。屬章欲反。殤舒羊反。舍音捨。與如字。一音餘。寡人弗敢忘。若以

大夫之靈。得保首領以沒。先君若問與夷。其

將何辭以對。請子奉之以主社稷。寡人雖死。

亦無悔焉。對曰。羣臣願奉馮也。馮。穆公子莊公也。馮皮

公曰。不可。先君以寡人爲賢。使主社稷。若

弃德不讓。是廢先君之舉也。豈曰能賢。言不讓則

稱賢。不足先昭先君之令德。可不務乎。吾子其無

廢先君之功。先君以舉賢爲功。我若不賢。是廢之。使公子馮出

居於鄭。辟殤公也。八月。庚辰。宋穆公卒。殤公即位。

君子曰宋宣公可謂知人矣立穆公其子饗

之命以義夫命出於義也夫商頌曰殷受命

咸宜百祿是荷其是之謂乎詩頌言殷湯武受命皆以義

故狂荷天之百祿也帥義而行則殤公宜受此命宜荷此祿公子馮不帥父義忿而出奔

因鄭以求入終傷咸宜之福故知人之稱唯在宣公也殷禮有兄弟相及不必傳子孫宋

其後也故指稱商頌尺證反冬齊鄭盟于石門

尋盧之盟也盧盟在春秋前盧齊地今濟北盧縣故城庚戌鄭伯

之車償于濟既盟而遇大風傳記異也十二

也衛莊公娶于齊東宮得臣之妹曰莊姜得臣

齊犬子也犬子不敢居上位故常處東宮美而無子衛人所為賦

碩人也碩人詩義取莊姜美于色賢于德而不見答終以無子國人憂之為于

又娶于陳曰厲嬀生孝伯早死陳今陳國

九危反其娣戴嬀生桓公莊姜以為己子嬀姓也

厲戴皆諡雖為莊姜子然犬子之位未定公子州吁嬀人之子也

嬀親幸也吁況于反嬀必計反賤而得幸曰嬀有寵而好兵公弗

禁莊姜惡之石碻諫曰臣聞愛子教之以義

方石碻衛大夫弗納於邪驕奢淫泆所自邪

也四者之來寵祿過也將立州吁乃定之矣

若猶未也。階之為禍。

言將立為天子。則宜早定。若不早定。州吁必緣

寵而為禍。決音逸。

夫寵而不驕。驕而能降。降而不憾。

憾而能眴者。鮮矣。

如此者少也。降其身則必恨。恨則思亂。不能自安。自

重。憾。胡暗反。眴。之。忍反。重也。鮮。息淺反。

且夫賤妨貴。少陵長。遠

閒親。新聞舊。小加大。

小國而加兵於大國。如。芳。少。詩。照反。長。丁丈反。閒。必二反。淫。破義。所謂六逆。

也。君義臣行。父慈子孝。兄愛弟敬。所謂六順

也。臣行君去。順效逆。所以速禍也。君人者。將

禍是務去。而速之。無乃不可乎。弗聽。其子厚

與州吁游。禁之不可。桓公立。乃老。

州吁弒其君。故傳先經以始事。去起呂反。先悉薦反。

老。致仕也。四年經書。

經四年春。王二月。莒人伐杞。取牟婁。

無傳。書取。言易。

也。例在襄十三年。杞國本都陳留。雍丘縣。推尋事跡。桓六年。淳于公亡國。杞似并之。遷都。

淳于。僖十四年。又遷緣陵。襄二十九年。晉人城杞之淳于。杞又遷都淳于。牟婁。杞邑。城陽。

諸縣東北有婁鄉。杞音起。牟。亡侯反。易以政反。雍於用反。

戊申。衛州吁

弒其君完。

稱臣弒君。臣之罪也。例在宣四年。戊申。三月十七日。有日而無月。

夏公及宋公遇于清。

遇者。草次之期。二國各簡其禮。若道路相逢遇。

也。清。衛邑。濟北。東阿縣有清亭。

宋公陳侯蔡人衛人伐鄭。秋。

翬帥師會宋公陳侯蔡人衛人伐鄭公子翬魯大夫

不稱公子疾其固請強君以不義也諸外大夫貶皆稱人至於內大夫貶則皆去族稱名

於記事之體他國可言某人而已國之卿佐不得言魯人此所以為異也翬弱去族傳曰

疾之叔孫豹則曰言違命此其例也○翬許歸反強其丈反去起呂反下同溺乃歷反

九月衛人殺州吁于濮州吁弒君而立未列於會故不稱君例在

成十六年濮陳地水名○濮音卜冬十有二月衛人立晉衛人

逆公子晉而立之善其得衆故不書入於衛變文以示義例在成十八年

傳四年春衛州吁弒桓公而立公與宋公為

會將尋宿之盟未及期衛人來告亂夏公及

宋公遇于清宿盟在元年宋殤公之即位也公子

馮出奔鄭鄭人欲納之及衛州吁立將脩先

君之怨於鄭謂二年鄭人伐衛之怨而求寵於諸侯以

和其民諸篡立者諸侯既與之會則不復討故欲求此寵使告於宋

曰君若伐鄭以除君害害謂宋公子馮君為主敝邑

以賦與陳蔡從則衛國之願也言舉國之賦調從才用

反調徒弔反宋人許之於是陳蔡方睦於衛蔡今汝南

縣上蔡故宋公陳侯蔡人衛人伐鄭圍其東門

五日而還公問於衆仲曰衛州吁其成乎衆仲

魯大對曰臣聞以德和民不聞以亂亂謂阻兵而安

以亂猶治絲而棼之也絲見棼緼益所以亂。棼音墳。緼於

反云夫州吁阻兵而安忍阻兵無衆安忍無親

衆叛親離難以濟矣恃兵則民殘民殘則衆叛安忍則刑過刑過則衆

離親夫兵猶火也弗戢將自焚也夫州吁弑其

君而虐用其民於是乎不務令德而欲以亂

成必不免矣戰莊立反秋諸侯復伐鄭宋公使

來乞師乞師不書非卿公辭之從衆仲羽父請以師

會之羽父公公弗許固請而行故書曰翬帥

師疾之也諸侯之師敗鄭徒兵取其禾而還

時鄭不車戰州吁未能和其民厚問定君於石子

石子石碯也。以州吁不安。諮其父。石子曰王觀為可。曰何以

得觀曰陳桓公方有寵於王陳衛方睦若朝

陳使請必可得也厚從州吁如陳石碯使告

于陳曰衛國褊小老夫耄矣無能為也此二

人者實弑寡君敢即圖之八十曰耄。稱國小已老。自謙以委陳。

使因其往就圖之陳人執之而請涖于衛請衛人自臨討之。

利涖音九月衛人使右宰醜涖殺州吁于濮石

碯使其宰孺羊肩洎殺石厚于陳。君子曰：石碯，純臣也。惡州吁而厚與焉。大義滅親，其是之謂乎？子從弑君之賊，國之大逆，不可不除。故曰大義滅親。明小義則當兼子愛之。孺，奴侯反。惡，烏路反。與焉，音預。衛人逆公子晉于邢。冬，十二月，宣公即位。公子晉也。邢，音刑。國名。書曰：衛人立晉。衆也。

經五年春，公矢魚于棠。書陳魚以示非禮也。書棠，譏遠地也。今高平方與縣北有武唐亭，魯侯觀魚臺。夏四月，葬衛桓公。秋，衛師入郕。將卑師衆，但稱師。此史郕，音成。國名。九月，考仲子之

宮初獻六羽。

成，仲子宮。安其主而祭之。惠公以仲子手文要之，欲以爲夫人。

諸侯無二嫡，蓋隱公成父之志，爲別立宮也。公問羽數，故書羽。婦人無諡，因姓以名宮也。邾人、鄭人伐宋。邾，主兵。故序鄭上。螟。無傳。蟲食苗心者，爲災。故書。

冬十有二月辛巳，公子彊卒。

大夫書卒，不書葬。葬者，臣子之事。

○事非公家所及。彊，苦侯反。宋人伐鄭，圍長葛。潁川長社縣北有長葛城。

葛城。

傳五年春，公將如棠觀魚者。臧僖伯諫曰：凡

物不足以講大事。

臧僖伯，公子彊也。僖，諡也。大事，祀與戎。

其材

不足以備器用，則君不舉焉。

材，謂皮革齒牙骨角毛羽也。器

用軍國之器

君將納民於軌物者也。故講事以度。

軌量謂之軌。取材以章物采謂之物。不軌不

物謂之亂政。亂政亟行。所以敗也。

言器用衆物。不入法

度。則爲不軌。不物。亂敗之所起。待洛反。一音如字。亟。欺冀反。數也。

度故春蒐。

夏苗。秋獮。冬狩。

蒐。索擇取。不孕者。苗。爲苗除害也。獮。殺也。以殺爲名。順秋

氣也。狩。圍守也。冬物畢成。獲則取之。無所擇也。蒐。所求反。獮。息淺反。

皆於農

隙以講事也。

各隨時事之間。隙。去逆反。

三年而治兵。入

而振旅。

雖四時講武。猶復三年而大習。出曰治兵。始治其事。入曰振旅。治兵禮畢。

整衆而還。振。整也。旅。衆也。

歸而飲至。以數軍實。

飲於廟。以數車徒器

械。及所獲也。

昭文章。

車服。旌旗。明貴賤。辨等列。

行。順少長。

出則少者在前。還則在後。所謂順也。少。詩照反。

習威儀。

也。鳥獸之肉不登於俎。

俎。祭宗廟器。

皮革齒牙骨

角毛羽不登於器。

謂以飾法度之器。

則公不射。古之

制也。若夫山林川澤之實。器用之資。阜隸之

事。官司之守。非君所及也。

士臣阜。阜。臣與。與。臣隸。言取此雜猥

之物。以資器備。是小臣有司之職。非諸侯之所親也。

射。食亦反。

阜才早反。

公曰。

吾將略地焉。

孫辭以略地。略。揔攝巡行之名。傳曰。東略之不知。西則否矣。

行。下。孟反。遂往陳魚而觀之。

陳。設張也。公大設僖捕魚之備而觀之。

伯稱疾不從書曰公矢魚于棠非禮也且言

遠地也矢亦陳也。棠實他竟。故曰遠地。曲沃莊伯以

鄭人邢人伐翼曲沃。晉別封成師之邑。在河東。聞喜縣。莊伯成師子也。翼。

晉舊都。在平陽絳邑縣東。邢國。在廣平襄國縣。王使尹氏武

氏助之翼侯奔隨尹氏。武氏。皆周世族大夫也。晉內相攻伐。不告亂。故

不書。傳具其事。為後晉事張本。曲沃及翼本未見。桓二年。隨。晉地。夏葬衛桓

公衛亂是以緩有州吁之亂。十四月乃葬。傳明其非慢也。四月鄭

人侵衛牧牧。衛邑。經書夏四月葬衛桓公。今傳直言夏而更以四月附鄭人侵

衛牧者。於下事。宜得月以明事之先後。故不復備舉經文。三年君氏卒。其義亦同。他皆放

此以報東門之役東門役在四年。衛人以燕師伐鄭

南燕國。今東郡燕縣。鄭祭足原繁洩駕以三軍軍其前。

使曼伯與子元潛軍軍其後燕人畏鄭三軍。

而不虞制人北制。鄭邑。今河南成臯縣也。一名虎牢。洩息列反六月。

鄭二公子以制人敗燕師于北制二公子。曼伯子元也。

君子曰不備不虞不可以師曲沃叛王秋王

命虢公伐曲沃而立哀侯于翼春。翼侯奔隨。故立其子光。

衛之亂也邾人侵衛故衛師入邾邾。國也。東平剛父縣。

西南有邾鄉。九月考仲子之宮將萬焉萬。舞也。公問

邾鄉西南有邾鄉。九月考仲子之宮將萬焉萬。舞也。公問

羽數於衆仲

問執羽人數

對曰天子用八

八八六

諸侯用六

六六三

大夫四

四四

士二

二二

士有功賜用樂

夫舞所以節八音而行八風

八音金石絲竹

匏土革木也。八風。八方之風也。以八音之器播八方之風。手之舞之。足之蹈之。節其制而序其情。

八音。金。鐘。石。磬。絲。琴。瑟。竹。簫。管。土。埙。木。祝。敔。匏。笙。革。鼓也。八方之風。謂東方谷風。東南清明風。南方凱風。西南涼風。西方閭風。東風。西北不周風。北方廣莫風。東北融風。

故自八以下

唯天子得盡物數。故以八為列。諸侯則不敢用八。

公從

之於是初獻六羽始用六佾也

魯唯文王周公廟得用八。

而他公遂因仍僭而用之。今隱公特立此婦人之廟。詳問衆仲。衆仲因明大典。故傳亦因

言始用六佾。其後季氏舞八佾於庭。知唯在仲子廟用六。佾音逸。宋人取邾

田邾人告於鄭曰請君釋憾於宋敝邑為道

釋四年再見伐之恨。道音導。鄭人以王師會之

王師不書不以告也。伐宋入其郛以報東門之役

郭郭也。東門役在四年。郭芳反。宋人使來告命

告命策書。公聞其入郛也將救

之問於使者曰師何及對曰未及國

念公知而故問。恤社稷之難今問諸使者曰師未及國非寡

人之所敢知也

為七年公伐邾冬十二月辛

已臧僖伯卒公曰叔父有憾於寡人諸侯稱同姓大夫

夫長曰伯父少曰叔父有恨恨諫觀魚不聽寡人弗敢忘葬之加

一等加命服宋人伐鄭圍長葛以報入郛之

役也

經六年春鄭人來渝平渝和而不盟曰平夏

五月辛酉公會齊侯盟于艾泰山牟縣東南有艾山

反秋七月雖無事而書首月具四冬宋人取

長葛鄭邑可知故不言鄭也前年冬圍不克而還今冬乘長葛無備而取之言易也

易以鼓反

傳六年春鄭人來渝平更成也渝變也公之

狐壤為鄭所執逃歸怨鄭鄭伐宋公欲救宋宋使者失辭公怒而止忿宋則欲厚鄭鄭因

此而來故經書翼九宗五正頃父之子嘉父

逆晉侯于隨翼晉舊都也唐叔始封受懷姓

五正五官之長九宗一姓為九族也納諸郛

晉人謂之鄂侯鄂晉別邑諸地名疑者皆言

闕他皆放此前年桓王立此侯之夏盟于艾

始平于齊也春秋前魯與齊不平今乃奔惡

反五月庚申鄭伯侵陳大獲往歲鄭伯請成

于陳成猶陳侯不許五父諫曰親仁善鄰國

之寶也君其許鄭五父陳陳侯曰宋衛實難

可畏難也鄭何能為遂不許君子曰善不

可失惡不可長其陳桓公之謂乎長惡不悛

從自及也悛止也從隨也雖欲救之其將能

乎商書曰惡之易也如火之燎于原不可鄉

邇商書盤庚言惡易長如其猶可撲滅言不可撲

滅周任有言周任周曰為國家者見惡如農

夫之務去草焉芟夷蕞崇之絕其本根勿使

能殖則善者信矣芟刈也夷殺也蕞積也崇

反蕞紆粉反信秋宋人取長葛冬京師來告

饑公為之請糴於宋衛齊鄭禮也告饑不以

言京師而不書於經也雖非王命而公共以

稱命已國不足旁請鄰國故曰禮也傳見隱

之賢反鄭伯如周始朝桓王也桓王即位

至是乃朝王不禮焉周桓公言於王曰我周

之東遷晉鄭焉依周桓公周公黑肩也周采

幽王為大戎所殺平王東徙晉文侯鄭武公

左王王室故曰晉鄭焉依焉依如字或於

隱六年

左傳卷一

二

禮焉鄭不來矣

為桓五年諸侯從王伐鄭傳

經七年春王三月叔姬歸于紀

無傳叔姬伯姬之娣也至

是歸者待年於父母國不與嫡俱行故書滕侯卒

傳例曰不書名未同盟也滕國

在沛國公丘縣東南○沛音貝

夏城中丘

城例在莊二十九年中丘在琅邪臨

沂縣齊侯使其弟年來聘

諸聘皆使卿執玉帛以相存問例在

襄元年秋公伐邾冬天王使凡伯來聘

凡伯周卿士凡

國伯爵也汲郡共縣東南有凡城

戎伐凡伯于楚丘以歸

戎鳴

鐘鼓以伐天子之使見夷狄強虢不書凡伯敗者單使無衆非戰陳也但言以歸非執也

楚丘衛地在濟陰成武縣西南○魏蒲報反

傳七年春滕侯卒不書名未同盟也凡諸侯

同盟於是稱名故薨則赴以名

盟以名告神故薨亦以名

告同盟告終稱嗣也以繼好息民

稱告亡者之終稱嗣位之主

嗣位之主當奉而不忘故曰謂之禮經此言繼好同則和親故曰息民

乃周公所制禮經也十一年不告之例又曰不書於策明禮經皆當書於策仲尼脩春秋

皆承策為經丘明之傳博采衆記故始開凡例特顯此二句他皆效此夏城中

丘書不時也齊侯使夷仲年來聘結艾之盟

也艾盟在六年秋宋及鄭平七月庚申盟于宿公

伐邾為宋討也

公距宋而更與鄭平欲以鄭為援今鄭復與宋盟故懼而

伐邾。欲以求宋。故曰。為初。戎朝于周。發幣于

公卿。凡伯弗賓。朝而發幣於公卿。如冬。王使

凡伯來聘。還我伐之于楚丘。以歸。傳言凡伯

陳及鄭平。六年鄭侵陳。大獲。今乃平。十二月。陳五父如鄭

洧盟。洧。臨也。壬申。及鄭伯盟。畎如忘。志不在於

盟矣。洧。伯。鄭洧。駕。洧伯曰。五父必不免。不賴

辛巳。及陳侯盟。亦知陳之將亂也。入其國。觀

鄭公子忽在王所。摠言之也。皆為桓五年。六

故陳侯請妻之。以忽有王寵。故鄭伯許之。乃

成昏。為鄭忽失齊昏。援以至出奔傳

經八年春。宋公衛侯遇于垂。垂。衛地。濟陰句

三月。鄭伯使宛來歸祊。宛。鄭大夫。不

祊。桓元年。乃卒。易祊田。知夏六月。己亥。蔡侯

考父卒。無傳。襄六年傳曰。杞桓公卒。始赴以

其子亦所以繼好也。嘗與其父同盟。則亦以名赴

與惠公盟。故赴以。辛亥宿男卒。無傳。元年。宋

名。見賢遍反。

三傳卷一

二十四

宿。宿與盟也。晉荀偃禱河。稱齊晉君名。然後自稱名。知雖大夫出盟。亦當先稱己君之名。以啓神明。故薨皆從身盟之例。當告以名也。傳例曰。赴以名。則亦書之。不然則否。辟不敏也。今宿赴不以名。故亦不書名。諸例或發於始事。或發於後者。因宜有所異同。亦或立明所得記注本末。

秋七月庚午。宋公齊侯衛侯。

盟于瓦屋。

齊侯尊宋使主會。故宋公序齊上。瓦屋。周地。

八月葬蔡。

宣公。

無傳。三月而葬。速。

九月辛卯。公及莒人盟于浮。

來。

莒人微者。不嫌敵公侯。故直稱公。例在僖二十九年。浮來。紀邑。東莞縣北有邳鄉。邳鄉西有公來山。號曰螟。無傳。

駭卒。

公不與小斂。故不書日。卒而後賜族。故不書氏。

冬十有二月無。

傳八年春。齊侯將平宋衛。

平宋衛於鄭。

有會期。宋

公以幣請於衛。請先相見。

宋敬齊命。

衛侯許之。故

遇于犬丘。

犬丘。垂也。地有兩名。

鄭伯請釋泰山之祀而

祀周公。以泰山之祊易許田。二月。鄭伯使宛

來歸祊。不祀泰山也。

成王營王城。有遷都之志。故賜周公許田。以爲

魯國朝宿之邑。後世因而立周公別廟焉。鄭桓公。周宣王之母弟。封鄭。有助祭泰山湯沐之邑。在祊。鄭以天子不能復巡狩。故欲以祊易許田。各從本國所近之宜。恐魯以周公別廟爲疑。故云。已廢泰山之祀。而欲爲魯夏號祀周公。孫辭以有求也。許田。近許之田。夏號

公忌父始作卿士于周。

周人於此遂畀之政。

四月甲辰。

鄭公子忽如陳逆婦媯。辛亥以媯氏歸。甲寅入于鄭。陳鍼子送女。先配而後祖。鍼子曰：「是不為夫婦，誣其祖矣。非禮也。何以能育？」陳鍼子。夫禮逆婦必先告祖廟而後行。故楚公子圍稱告莊共之廟。鄭忽先逆婦而後告廟。故曰先配而後祖。鍼其廉反。齊人卒平宋衛于鄭。秋，會于溫，盟于瓦屋，以釋東門之役。禮也。會溫不書。不八月丙戌，鄭伯以齊人朝王。禮也。言鄭伯不以號公得政而背王。故禮之。齊稱人略從國辭。上有七月庚午。下有九月辛卯。則八月不得有丙戌。公及莒人盟于

浮來，以成紀好也。二年紀莒盟于密。為魯故。今公尋之。故曰以成紀好。冬，齊侯使來告成。三國稱秋和。三國公使眾仲對曰：「君釋三國之圖，以鳩其民，君之惠也。寡君聞命矣，敢不承受。君之明德，鳩集無駭。卒，羽父請謚與族。公問族於眾仲。眾仲對曰：「天子建德，立有德以因生以賜姓。因其所由生以賜姓。昨之士而命之氏。報之以土。故陳為媯姓。昨之士而命之氏，謂若舜由媯汭。故陳為媯姓。諸侯以字。諸侯位卑不得賜姓。故才故反。諸侯以字，其臣因氏其王父字。為謚，因以為族。或便即先人之謚。稱以為族。官有世功，則有

官族邑亦如之

謂取其舊官舊邑之稱以爲族。皆稟之時君。稱尺證反。

公命以字爲展氏

諸侯之子稱公子。公子之子稱公孫。公孫之子以王

父字爲氏。無駁。公子展之孫。故爲展氏。

經九年春。天王使南季來聘。

無傳。南季。天子大夫也。南氏。季。

也。三月癸酉。大雨震電。庚辰。大雨雪。

字。今也。三月。今。

雨雪。于付反。傳同。

挾卒

無傳。挾。魯大夫。未。賜族。挾音協。

夏城郎秋

七月冬。公會齊侯于防。

防。魯地。在琅邪。華縣東南。

傳九年春。王三月癸酉。大雨霖以震。書始也。

書。癸酉。始。雨日。庚辰。大雨雪。亦如之。書時失也。夏之正月。

微陽始出。未可震電。既震電。又不當大雨雪。故皆爲時失。

凡雨。自三日以

往爲霖

此解經書霖也。而經無霖字。經誤。

平地尺爲大雪。夏

城郎書不時也。宋公不王。

不共。王職。鄭伯爲王左

卿士。以王命討之。伐宋。宋以入郛之役。怨公。

不告命

入郛在五年。公以七年伐郛。欲以說宋。而宋猶不和也。說音悅。公

怒。絕宋使。秋。鄭人以王命來告伐宋。

遣使致王命也。

伐宋未得志。故復更告之。冬。公會齊侯于防。謀伐宋也。北

戎侵鄭。鄭伯禦之。患戎師曰。彼徒我車。懼其

侵軼我也。

徒。步兵也。軼。突也。軼音迭。又音逸。

公子突曰。使勇

而無剛者。嘗寇而速去之。

公子突。鄭厲公也。嘗試也。勇則能往。

無剛不取退。

君為三覆以待之。

覆。伏兵也。○扶又反。下同。

戎

輕而不整。貪而無親。勝不相讓。敗不相救。先

者見獲。必務進。進而遇覆。必速奔。後者不救。

則無繼矣。乃可以逞。

逞。解也。○輕。遣政反。

從之。戎人之

前遇覆者奔。祝聃逐之。

祝聃。鄭大夫。○甘反。一音土甘反。

衷戎師。前後擊之。盡殪。

為三部伏兵。祝聃帥勇而無剛者。先犯我。

而速奔。以過二伏兵。至後。伏兵起。我還走。祝聃反逐之。我前後及中。三處受敵。故曰衷我。

師殪。死也。○反又音忠。

殪。於計反。

戎師大奔。

後駐軍不十復繼也。

一月甲寅。鄭人大敗戎師。

此皆春秋時事。雖經無正文。所謂必

廣記而備言之。將令學者原始要終。尋其枝葉。究其所窮。他皆放此。○要。於遙反。

經十年春。王二月。公會齊侯。鄭伯于中丘。

正月會。癸丑盟。釋例推經傳日月。癸丑是正月二十六日。知經二月誤。

夏。鞏帥

師會齊人。鄭人伐宋。

公子鞏不待公命而貪會二國之君。疾其專進。

故去氏。齊鄭以公不至。故亦更使微者從之。伐宋。不言及。明鞏專行。非鄧之謀也。及例在

宣七年六月壬戌。公敗宋師于菅。

齊鄭後期。故公獨敗宋師。

書敗宋。未陳也。敗例在莊十一年。菅。宋地。○菅。古頑反。

辛未。取郕。辛巳

取防。

鄭後至。得郕防二邑。歸功于魯。故書取。明不用師徒也。濟陰成武縣東南有郕。

隱十年
城。高平昌邑縣西南有。秋。宋人衛人入鄭。宋
西防城。郕古報反。

人蔡人衛人伐戴鄭伯伐取之。三國伐戴鄭伯因其不和。

伐而取之。書伐。用師徒也。書取。克之易也。戴國。今陳留外黃縣東南有戴城。冬。十

月壬午。齊人鄭人入郕。

傳。十年春。王正月。公會齊侯鄭伯于中丘。癸

丑。盟于鄧。為師期。尋九年會于防。謀伐宋也。公既會而盟。盟不書。非後

也。蓋公還告會而不告盟。鄧魯地。夏五月。羽父先會齊侯鄭

伯伐宋。言先會。明非公本期。釋翬之去族。六月戊申。公會齊

侯鄭伯于老桃。會不書。不告於廟也。老桃。宋地。六月無戊申。戊申五月二

十三日。壬戌。公敗宋師于菅。庚午。鄭師入郕。

辛未。歸于我。庚辰。鄭師入防。辛巳。歸于我。王

六月七日。庚午。十五日。庚辰。二十五日。鄭伯後期。而公獨敗宋師。故鄭頻獨進兵以入郕。

防。入而不有。命魯取之。推功上爵。讓以自替。不有其實。故經但書魯取。以成鄭志。善之也。

君子謂鄭莊公於是乎可謂正矣。以王命討

不庭。下之事上。皆成禮於庭中。不貪其土。以勞王爵。正之

體也。勞者敘其勤以答之。諸侯相朝。逆之以

言以勞王爵。勞力報反。蔡人衛人郕人。不會王命。宋不伐

秋七月。庚寅。鄭師入郊。猶在郊。鄭師還。駐宋

人衛人入鄭

宋衛奇兵。乘虛入鄭。

蔡人從之伐戴

從宋衛伐

也。八月壬戌鄭伯圍戴癸亥克之取三師焉

三國之軍在戴故鄭伯合圍之。師者軍旅之通稱。稱尺證反。

宋衛既入鄭

而以伐戴召蔡人

伐戴乃召之。

蔡人怒故不和而

敗

言鄭取之易也。

九月戊寅鄭伯入宋

報入鄭也。九月無戊寅。

寅八月二十四日。

冬齊人鄭人入郕討違王命也

經十有一年春滕侯薛侯來朝

諸侯相朝例在文十五年。

夏公會鄭伯于時來

時來郟也。熒陽縣東有釐城鄭地也。釐音來。

又力秋七月壬午公及齊侯鄭伯入許

還使許叔居之故不言滅也。許穎川許昌縣。與音預還音環。

冬十有一月

壬辰公薨

實弒書薨又不地者史策所諱也。

傳十一年春滕侯薛侯來朝爭長

薛魯國薛縣。

侯曰我先封

薛祖奚仲夏所封在周之前。

滕侯曰我周之

卜正也

卜正官之長。

薛庶姓也我不可以後之

庶姓。

非周之同姓。

公使羽父請於薛侯曰君與滕君辱

在寡人周諺有之曰山有木工則度之賓有

禮主則擇之

擇所宜而行之。度大洛反。

周之宗盟異姓

為後

盟載書皆先同姓例在定四年。

寡人若朝于薛不敢與

諸任齒薛。任姓。齒列也。田音王。君若辱貶寡人則願以

滕君為請薛侯許之乃長滕侯夏公會鄭伯

于邾謀伐許也鄭伯將伐許五月甲辰授兵

於大宮大宮鄭祖廟。天音泰。公孫閱與穎考叔爭車

公孫閱鄭大夫。閱於葛反。穎考叔挾輶以走輶車輶也。輶張留。

子都拔棘以逐之子都公孫閱棘戟也。及大逵弗及

子都怒達道方九軌也。達龜反。九達謂之達。秋七月公會齊

侯鄭伯伐許庚辰傅于許傅干許城下。傳音附。穎考

叔取鄭伯之旗蝥弧以先登蝥弧旗名。子蝥亡侯反。子

都自下射之顛顛隊而死。射食亦反。隊直類反。瑕叔盈又

以蝥弧登瑕叔盈鄭大夫。周麾而呼曰君登矣周。徧也。麾。

招也。呼火故反。鄭師畢登壬午遂入許許莊公奔

衛奔不書。兵亂遁逃。未知所在。齊侯以許讓公公曰君謂

許不共不共職貢。共音恭。故從君討之許既伏其罪

矣雖君有命寡人弗敢與聞乃與鄭人鄭伯

使許大夫百里奉許叔以居許東偏許叔許莊公之弟。東偏。東鄙也。與音預。曰天禍許國鬼神實不逞于許

君而假手于我寡人借手于我寡德。寡人唯

是一二父兄不能共億

父兄同姓羣臣共給億安也

其敢

以許自爲功乎寡人有弟不能和協而使餬

其口於四方

弟共叔段也餬餬也段出奔在元年

其況能久有

許乎吾子其奉許叔以撫柔此民也吾將使

獲也佐吾子

獲鄭大夫公孫獲

若寡人得沒于地

以壽

終天其以禮悔禍于許

言天加禮於許而悔禍之

無寧茲

許公復奉其社稷

無寧寧也茲此也又音服

唯我

鄭國之有請謁焉如舊昏媾

謁告也婦之父曰昏重昏曰媾

其能降以相從也

降降心也

無滋他族實偪處此

以與我鄭國爭此土也吾子孫其覆亡之不

暇而況能禋祀許乎

禋齊以享謂之禋祀謂許山川之祀

寡人

之使吾子處此不唯許國之爲亦聊以固吾

圉也

圉邊垂也爲于僞反

乃使公孫獲處許西偏曰

凡而器用財賄無實於許我死乃亟去之吾

先君新邑於此

此今河南新鄭舊鄭在臺北

王室而

既卑矣周之子孫日失其序

鄭亦周之子孫

夫許大

岳之胤也

大岳神農之後堯四岳也胤繼也

天而既厭

周德矣吾其能與許爭乎君子謂鄭莊公於

是乎有禮。禮經國家定社稷序民人利後嗣

者也。許無刑而伐之服而舍之。刑法也。度德而

處之。量力而行之。相時而動。無累後人。我死乃亟

去之。無累後人。度待。可謂知禮矣。鄭伯使

卒出殯。行出大雞。以詛射。穎考叔者。百人為

五人為一行。行亦卒之行。列疾射。穎考叔者。故

君子謂鄭莊公失政刑矣。政以治民。刑以正

邪。既無德政。又無威刑。是以及邪。大臣不能用

刑於邪人。邪而詛之。將何益矣。王取鄆。劉二邑在河南緱

氏縣。西南有鄆聚。西北有劉亭。鄆。烏戶反。為邢之田于鄭。鄭二

邑。鄭音干。而與鄭人蘇忿生之田。蘇忿生。周武王

司寇蘇公也。溫原。溫。今溫縣。在沁水。絺。在野王縣

勅之。樊。一名陽樊。野王縣西南有陽城。隰郕。在懷縣西南。欒茅。在

武縣北。向。向。縣西有地名。盟。今盟津。州。

今州。陘。音刑。陘。在脩武縣北。懷。今懷縣。凡

蘇忿生之田。欒茅。隰。屬汲郡。餘皆屬河內。君子是以知桓王之失

鄭也。恕而行之。德之則也。禮之經也。已弗能

有。而以與人。人之不至。不亦宜乎。蘇氏叛王。十二邑。王

所不能為桓五鄭息有違言以言語相違恨息侯

伐鄭鄭伯與戰于竟息師大敗而還息國汝南新息

縣。竟音境。君子是以知息之將亡也不度德莊鄭

待洛反不量力息國不親親鄭息之國不徵辭

不察有罪以言語相恨當明徵其辭犯五不韙

而以伐人其喪師也不亦宜乎韙是也。韙韙鬼反喪息

浪反冬十月鄭伯以虢師伐宋壬戌大敗宋師

以報其入鄭也入鄭在十年宋不告命故不書凡

諸侯有命告則書不然則否命者國之大事政令也承其告

辭。史乃書之于策。若所傳聞行二言。非將君命。則記在簡牘而已。不得記於典策。此蓋周禮

之舊師出臧否亦如之臧否謂善惡得失也。制此皆互言。不須兩告乃雖及滅國滅不告敗

書。否音鄙。又方九反。雖及滅國滅不告敗

勝不告克不書于策羽父請殺桓公將以求

大宰大宰官名公曰為其少故也吾將授之

矣授桓位。為于使營菟裘吾將老焉菟裘魯邑

在泰山梁父縣南不欲復居魯羽父懼反譖

公子桓公而請弑之公之為公子也與鄭人

戰于狐壤止焉內諱獲故言止。狐壤鄭地。譖側鳩反鄭人囚

諸尹氏尹氏鄭大夫賂尹氏而禱於其主鍾巫主尹氏所遂與尹氏歸而立其主立鍾巫十一月

公祭鍾巫齊于社圃社圃園名圃音補館于窹氏館舍


也窹氏魯大夫壬辰羽父使賊弑公于窹氏窹氏魯大夫

立桓公而討窹氏有死者欲以弑君之罪加窹氏而復不能正

法誅之傳言不書葬不成喪也桓弑隱篡立故喪禮不成

也進退無據

春秋經傳集解隱公第一



春秋經傳集解桓公第二

桓公名軌惠公之子隱公之弟母仲子史記亦名允謚法辟土服遠曰桓

杜氏

盡十八年

經元年春王正月公即位嗣子位定於初喪而改元必須踰年

者繼父之業成父之志不忍有變於中年也諸侯每首歲必有禮於廟諸遭喪繼位者因

此而改元正位百官以序故國史亦書即位之事於策桓公篡立而用常禮欲自同於遭

喪繼位者釋例論之三月公會鄭伯于垂鄭

伯以璧假許田夏四月丁未公及鄭伯盟于

越公以篡立而脩好於鄭鄭因而迎之成禮于垂終易二田然後結盟垂犬丘衛地也

越。近垂地名。鄭求祀周公。魯聽受祊田。令鄭廢泰山之祀。知其非禮。故以璧假為文。時之所隱。○祊。秋大水。書災也。傳例曰。凡冬十月。百庚反。平原出水為大水。

傳元年春。公即位。脩好于鄭。鄭人請復祀周。

公卒。易祊田。事在隱八年。復扶又反。公許之。三月。鄭伯

以璧假許田。為周公祊故也。魯不宜聽鄭祀。周公又不宜易。

取祊田。犯二不宜以動。故隱其實。不言祊。稱璧假。言若進璧以假田。非久易也。○為于偽。

反。夏四月。丁未。公及鄭伯盟于越。結祊成也。

結成。易二田之事也。傳以經不書。若遺使書祊。故獨見祊。○見賢遍反。盟曰。渝盟無

享國。渝。變也。秋大水。凡平原出水為大水。廣平曰原。

冬。鄭伯拜盟。鄭伯若自來。則經不書。若遣使則當言鄭人。不得稱鄭伯。疑謬。

宋華父督見孔父之妻于路。華父督。宋戴公孫也。孔父

嘉。孔子六世祖。○華。戶化反。○豔。以。○豔。反。目逆而送之。曰。美而豔。色美曰豔。

經二年春。王正月。戊申。宋督弑其君與夷。及

其大夫孔父。稱督以弑。罪在督也。孔父稱名者。內不能治其閨門。外取怨於

民。身死而禍及其君。滕子來朝。無傳。隱十一年稱侯。今稱子者。蓋時王所黜。

三月。公會齊侯。陳侯。鄭伯。于稷。以成宋亂。

也。宋有弑君之亂。故為。會欲以平之。稷。宋地。夏四月。取郕大鼎于

也。宋有弑君之亂。故為。會欲以平之。稷。宋地。夏四月。取郕大鼎于

宋戊申納于大廟

宋以鼎賂公。大廟。周公廟也。始欲平宋之亂。終於受

賂。故備書之。戊申。五月十日。郕。古報反。天。音泰。

秋七月杞侯來朝

公即位而來朝。

蔡侯鄭伯會于鄧

潁川。召陵縣。西南有鄧城。九月

入杞

不稱主帥。微者也。弗。地曰。入。帥所類反。或作師。

公及戎盟于

唐冬公至自唐

傳例曰。告于廟也。特相會。故致地也。凡公行。還不書至者。

皆不告廟也。隱不書至。謙不敢自同於正君。書勞策勳。

傳二年春宋督攻孔氏殺孔父而取其妻公

怒督懼遂弑殤公君子以督為有無君之心

而後動於惡

雖有君。若無也。

故先書弑其君會于稷

以成宋亂為賂故立華氏也

經稱平宋亂者。蓋以魯君受賂。

立華氏貪縱之甚。惡其指斥故遠言始與齊陳鄭為會之本意也。傳言為賂故立華氏。明

經本書平宋亂為公諱。諱在受賂立華氏也。猶壁假許田為周公訪故。所謂婉而成章。督

未死而賜族。督之妄也。為賂于僞反。

宋殤公立十年十一戰

殤公以隱四年立。十一戰皆在隱公世。

民不堪命孔父嘉為司

馬督為大宰故因民之不堪命先宣言曰司

馬則然

言公之數戰則司馬使爾嘉孔父字。數音朔。

已殺孔父而

弑殤公召莊公于鄭而立之以親鄭

莊公公子馮也。

隱二年出居于鄭。馮入宋。不書不告也。馮皮冰反。

以郕大鼎賂公

所造器也。故繫名於郕。齊陳鄭皆有賂。故

遂相宋公。夏四月。取郕大鼎于宋。戊申。納于

大廟。非禮也。臧哀伯諫曰。夫。魯伯之子。君人

者。將昭德塞違。以臨照百官。猶懼或失之。故

昭令德。以示子孫。是以清廟茅屋。以茅飾屋

也。肅然清靜之稱。大路越席。大路。玉路。祀天

也。稱尺證反。大羹不致。大羹。肉汁。不致。五味

不精鑿。不致。致。五味。菜食不鑿。菜。稷

昭其儉也。此四者。皆示儉。衮冕黻珽。衮。畫衣也。冕。冠

反。鞞。音必。薄。步古反。徐廣云。持簿。手版也。帶。

裳幅舄。舄。帶革帶也。衣下曰裳。幅。若今行膝者。

衡紃紃紃。衡。維持冠者。紃。冠上覆也。紃。多敢反。

藻率。以韋為之。所以藉玉也。玉五采。公侯伯

三采。子男二采。鞞。佩刀。削上飾。鞞。下飾。鞞。

布孔反。鞞。補頂反。鞞。鞞。厲游纓。鞞。紳帶也。一

帶之垂者。游。旌旗之游。纓。在馬膺前。如。昭其

數也。尊卑各。火龍黼黻。火。畫火也。龍。畫龍也。

黻。兩己相戾。昭其文也。以文章。五色比象。

昭其物也

車服器械之有五色皆以象天地四方以示器物不虛設

是錫鸞和鈴昭其聲也

錫在馬額鸞在鑣和在衡鈴在旂動皆有

鳴聲

錫音

三辰旂旗昭其明也

三辰日月星也畫於

旂旗象

夫德儉而有度登降有數

登降謂上天之明

文物以紀之聲明以發之以臨照百官百官

於是乎戒懼而不敢易紀律今滅德立違

華督違

而寘其賂器於大廟以明示百官百

官象之其又何誅焉國家之敗由官邪也官

之失德寵賂章也郕鼎在廟章孰甚焉武王

克商遷九鼎于雒邑

九鼎殷所受夏九鼎也武王克商乃營雒邑而

後去之又遷九鼎焉時但營洛邑未有都城至周公乃卒營雒邑謂之王城即今河南城

也故傳曰成王定鼎于郊廓

義士猶或非之蓋伯夷之屬

而況將昭違亂之賂器於大廟其若之何公

不聽周內史聞之曰臧孫達其有後於魯乎

君違不忘諫之以德

內史周大夫官也僖伯諫隱觀魚其子哀伯諫

桓納鼎積善之家必有餘慶故曰其有後於魯秋七月杞侯來朝不

敬杞侯歸乃謀伐之蔡侯鄭伯會于鄧始懼

楚也

楚國今南郡江陵縣北紀南城也楚武王始僭號稱王欲害中國蔡鄭姬姓近

楚故懼而會謀九月入杞討不敬也公及戎盟于唐

脩舊好也惠隱之好冬公至自唐告于廟也凡公

行告于宗廟反行飲至舍爵策勲焉禮也飲爵

酒器也既飲置爵則書勲勞於策言特相會速紀有功也舍音赦置也舊音捨特相會

往來稱地讓事也特相會公與一國會也會必有主二人獨會則莫肯

為主兩讓會事不成故但書地自參以上則往稱地來稱會

成事也成會事參音三初晉穆侯之夫人姜

氏以條之役生太子命之曰仇條晉地太子文侯也意取

仇於戰相怨其弟以千畝之戰生命之曰成師桓叔

也西河界休縣南有地名千畝意取能成其衆師服曰異哉君之名

子也師服晉大夫夫名以制義名之必義以出禮

禮從義出禮以體政政以正民是以政成而

民聽易則生亂反易禮義則亂生也嘉耦曰妃怨耦曰

仇古之命也自古有此言耦音耦今君命太子

曰仇弟曰成師始兆亂矣兄其替乎穆侯愛少子桓

叔俱取於戰以為名所附意異故師服知桓叔之黨必盛於晉以傾宗國故因名以諷諫

惠之二十四年晉始亂故封桓叔于曲沃惠

惠公也晉文侯卒子昭侯元年靖侯之孫欒

危不自安封成師為曲沃伯

賓傳之

靖侯桓叔之高祖父言得貴寵公師孫為傅相靖才井反藥力官反

服曰吾聞國家之立也本大而末小是以能

固故天子建國

立諸侯也諸侯立家卿大夫稱家卿置

側室

側室衆子也大夫有貳宗通子為小宗次者為貳宗

以相輔貳

士有隸子弟

士卑自以其子弟為僕隸庶人工商各

有分親皆有等衰

庶人無復尊卑以親疏為分別也衰殺也分扶問

反又如字親七刃反又如字

是以民服事其上而下無覬

覷

下不冀望上位今晉甸侯也而建國本

既弱矣其能久乎

諸侯而在甸服者惠之三十年晉

潘父弑昭侯而納桓叔不克

潘父晉大夫也昭侯文侯子

晉人立孝侯

昭侯子也惠之四十五年曲沃莊伯

伐翼弑孝侯

莊伯桓叔子翼晉國所都翼人立其弟鄂侯

鄂侯生哀侯

鄂侯以隱五年奔隨其哀侯侵

陘庭之田

陘庭翼南鄙陘庭南鄙啓曲沃伐

翼

經三年春正月公會齊侯于嬴

經之首時必書王明此歷

天王之所班也其或廢法違常失不班歷故不書王嬴齊邑今泰山嬴縣經三年正月從此盡十七年皆無王唯十年有二夏齊侯傳以為義或有王字者非嬴音盈

衛侯胥命于蒲

申約言以相命而不歆血也。蒲衛地在陳留長垣縣西南。

治反。歆所。

六月公會杞侯于郕。秋七月壬辰朔。

日有食之既。

無傳既盡也。歷家之說謂日光以望時遙奪月光。故月食。日光同會月奄日。故日食。食有上下者行有高下。日光輪存而中食者相奄密。故日光溢出皆既者。正相當而相奄閒疏也。然聖人不言月食日。而以自食為文者。闕於所不見。

公

子翬如齊逆女。

禮君有故則使卿逆。

九月齊侯送姜氏。

于謹。

謹魯地。濟北蛇丘縣西有下謹亭。已去齊國。故不言女。未至於魯。故不稱夫人。

謹呼端反。以支反。

公會齊侯于謹。夫人姜氏至。

自齊。

無傳告於廟也。不言翬以至者。齊侯送之。公受之於謹。冬齊侯使

其弟年來聘。有年。

無傳五穀皆熟。書有年。

傳三年春。曲沃武公伐翼。次于陘庭。韓萬御

戎。梁弘為右。

武公。曲沃莊伯子也。韓萬。莊伯弟也。御戎。僕也。右戎。車之右。

逐翼侯于汾隰。

汾隰。汾水邊。汾扶云反。驂絙而止。驂。駢。

驂音參。絙音畫。

夜獲之。及欒共叔。

共叔。桓叔之傅。欒。侯。父子各殉所奉之主。故并見獲而死。

會于贏。成昏于齊也。

由媒介。自與齊侯會而成昏。非禮也。夏齊侯衛侯胥命于蒲。不

盟也。公會杞侯于郕。杞求成也。

二年入杞。故今來求成。

秋公子翬如齊逆女。修先君之好。故曰公子。

昏禮雖奉時君之命其言必稱先君以為禮辭故公子翬逆女傳稱修先君之好公子遂逆女傳稱尊君齊侯送姜氏非禮也凡公女

嫁于敵國姊妹則上卿送之以禮於先君公

子則下卿送之於大國雖公子亦上卿送之

於天子則諸卿皆行公不自送於小國則上

大夫送之冬齊仲年來聘致夫人也古者女出嫁又

使大夫隨加聘問存謙敬序殷勤也在魯而出則曰致女在他國而來則摠曰聘故傳以

致夫人芮伯萬之母芮姜惡芮伯之多寵人

也故逐之出居于魏為明年秦侵芮張本芮國在馮翊臨晉縣魏國

河東河北縣芮如銳反惡烏路反

經四年春正月公狩于郎冬獵曰狩行三驅之禮得田狩之時

故傳曰書時禮也周之春夏之冬也田狩從夏時即非國內之狩地故書地夏天

王使宰渠伯糾來聘宰官之宰當以才授位而

伯糾攝父之職出聘列國故書名以譏之國史之記必書年以集此公之事書首時以成

此年之歲故春秋有空時而無事者今不書秋冬首月史闕文他皆放此

傳四年春正月公狩于郎書時禮也即非狩地故唯

時合夏周宰渠伯糾來聘父在故名秋秦師

侵芮敗焉小之也秦以芮小輕之故為芮所敗冬王師秦

師圍魏執芮伯以歸

三年。芮伯出居魏。芮更立君。秦為芮所敗。故以

芮伯歸將欲納之

經五年春正月甲戌己丑陳侯鮑卒

未同盟而書名

者來赴以名故也。甲戌前年十二月二十一日己丑。此年正月六日。陳亂。故再赴。赴雖日異。而皆以正月起文。故但書正月。慎疑審事。故從赴兩書。鮑步鮑反。

鄭伯如紀

紀外相朝皆言如。齊欲滅紀。人懼而來告。故書。

天王使仍

叔之子來聘

仍叔天子之大夫。稱仍叔之子。本於父字。幼弱之辭也。譏使童

聘子出

葬陳桓公

無傳城祝丘

將襲紀。故秋蔡人

衛人陳人從王伐鄭

王自為伐鄭之主。君臣之辭也。王師敗不書。不

以告。○從如大雩

傳例曰。書不時。失龍見之時。

螽

為災。故書。○蛇相容反。蝟相魚反。

冬州公如曹

不書奔。以朝出也。為下實

來書也。曹國。今濟陰定陶縣。

傳五年春正月甲戌己丑陳侯鮑卒再赴也

於是陳亂文公子佗殺太子免而代之

佗。桓公弟。

五父也。稱文公子。明佗非桓公母弟也。免。桓公太子。○佗。大何反。免。音問。公疾病

而亂作國人分散故再赴夏齊侯鄭伯朝于

紀欲以襲之紀人知之王奪鄭伯政鄭伯不

朝

奪不使知王政

秋王以諸侯伐鄭鄭伯禦之王為

中軍。虢公林父將右軍。蔡人衛人屬焉。

虢公林父。

王卿士。將。子匠反。下同。周公黑肩將左軍。陳人屬焉。

周桓公也。鄭子元請為左拒。以當蔡人衛人。

子拒。方陳。拒俱甫反。為右拒。以當陳人。曰。

陳亂。民莫有鬪心。若先犯之。必奔。王卒顧之。

必亂。蔡衛不枝。固將先奔。不能相枝持也。既而萃於

王卒。可以集事。從之。萃。聚也。曼伯為右拒。

檀伯。曼音萬。祭仲足為左拒。原繁高渠彌以中軍

奉公為魚麗之陳。先偏後伍。伍承彌縫。司馬法。車

戰。二十五乘為偏。以車居前。以伍次之。承偏之隙。而彌縫闕漏也。五人為伍。此蓋魚麗陳

法。知反。戰于緇葛。緇葛。鄭地。音須。命二拒曰。旆動

而鼓。旆。旗也。通帛為之。蓋今大將之麾也。執

作檜。建大木。置石其上。發機以礮敵。蔡衛陳皆奔。王卒亂。鄭師

合以攻之。王卒大敗。祝聃射王中肩。王亦能

軍。雖軍敗身傷。猶殿而不奔。故言能軍。祝聃

請從之。公曰。君子不欲多上人。況敢陵天子

乎。苟自救也。社稷無隕多矣。鄭於此收兵自退。隕。于敏反。

夜。鄭伯使祭足勞王。且問左右。祭足。即祭仲之字。蓋名仲。

字仲足也。勞王問左右。言鄭志在仍叔之子。

苟免。王討之非也。○勞力報反。仍叔之子。

弱也。仍叔之子來聘。童子將命。無速反之心。

秋大雩。書不時也。十六年有兩秋。此發雩祭。

之例。欲顯天時以指事。凡祀啓蟄而郊。言凡。

建寅之月。祀天南郊。○蟄直立反。龍見而。

雩。龍見。建巳之月。蒼龍宿之體。昏見東方。萬。

雨。○見賢遍。始殺而嘗。建酉之月。陰氣始殺。

反宿音秀。始殺而嘗。建酉之月。陰氣始殺。

廟閉蟄而烝。建亥之月。昆蟲閉戶。萬物皆成。

之備。過則書。節則書。以譏慢也。冬。淳于公如。

曹。度其國危。遂不復。淳于。州國所都。城陽淳。

自安。故出朝而遂。不還。○度待洛反。

經六年春正月。寔來。寔。實也。不言州公者。承。

異事。省文。從可。夏四月。公會紀侯于成。成。魯。

知。○寔時力反。泰山鉅平。秋八月壬午。大閱。齊為大國。以戎。

縣東南。嘉美鄭忽。而忽欲以有功臣。怒而。蔡人殺。

陳佗。佗立踰年。不稱爵者。篡立未會。九月丁。

卯。子同生。桓公子莊公也。十二公。唯子同是。

史書之於策。不稱。冬。紀侯來朝。

大子者。書始生也。

傳六年春。自曹來朝。書曰寔來。不復其國也。

亦承五年冬傳。淳于公如曹也。言奔則來。行朝禮。言朝則遂留不去。故變文。言寔來。楚

武王侵隨。隨國。今義陽隨縣。使遼章求成焉。遼章。楚大夫。

遂于反。軍於瑕以待之。瑕。隨地。隨人使少師董成

少師。隨大夫。董正也。少。詩照反。鬬伯比言於楚子曰。吾不

得志於漢東也。我則使然。鬬伯比。楚大夫。令尹子文之父。我

張吾三軍。而被吾甲兵。以武臨之。彼則懼而

協以謀我。故難閒也。漢東之國。隨為大。隨張

必棄小國。張。自侈大也。隨小國。離楚之利。張。豬亮反。一如字。

也。少師侈。請羸師以張之。羸。弱也。熊率且

比曰。季梁在。何益。熊率且比。楚大夫。季梁。隨賢臣。率。音律。且。子余反。

鬬伯比曰。以為後圖。少師得其君。言季梁之諫。不過一

見從。隨侯卒。當以少師為計。故云。以為後圖。二年。蔡侯鄭伯會于鄧。始懼楚。楚子自此遂

盛。終於抗衡中國。故傳備言其事。以終始之。王毀軍而納少師。伯從

比之。少師歸。請追楚師。隨侯將許之。信楚也。季

梁止之曰。天方授楚楚之羸。其誘我也。君何

急焉。臣聞小之能敵大也。小道大淫。所謂道

忠於民而信於神也。上思利民。忠也。祝史正

辭信也

正辭不虛稱君美

今民餒而君逞欲

逞快也餒奴

罪反祝史矯舉以祭臣不知其可也

詐稱功德以欺鬼神

公曰吾牲牷肥腍粢盛豐備何則不信

牲牛豕

也。牲。純色完全也。腍亦肥也。黍稷曰粢。在器曰盛。音全。腍徒忽反。

對曰夫

民神之主也

言鬼神之情依民而行

是以聖王先成民

而後致力於神故奉牲以告曰博碩肥腍謂

民力之普存也

博廣也碩大也

謂其畜之碩大蕃滋

也謂其不疾疫蟲也謂其備腍咸有也

雖告神以

博碩肥腍其實皆當兼此四謂民力適完則六畜既大而滋也皮毛無疥癬兼備而無有

所闕。畜吁又反。疫七木反。蠹力果反。瘰瘰皮肥也。

奉盛以告曰絜粢

豐盛謂其三時不害而民和年豐也

三時春夏秋

奉酒醴以告曰嘉栗旨酒

嘉善也栗謹敬也

謂其上

下皆有嘉德而無違心也所謂馨香無譴慝

也

馨香之遠聞慝他得反

故務其三時脩其五教

父義母慈

兄友弟親其九族以致其禋祀

禋絜敬九族謂外祖父外

祖母從母子及妻父妻母姑之子姊妹之子女子之子并己之同族皆外親有服而異族

也於是乎民和而神降之福故動則有成今

民各有心而鬼神乏主

民饑餒也

君雖獨豐其何

福之有君姑脩政而親兄弟之國庶免於難。隨侯懼而脩政楚不敢伐夏會于成紀來諮謀齊難也。齊欲滅紀故來謀。難乃且反。北戎伐齊齊侯使乞師于鄭鄭太子忽帥師救齊六月大敗戎師獲其二帥大良少良甲首三百以獻於齊。甲首被甲者首。二所類反。少詩照反。於是諸侯之大夫戌齊齊人饋之餼。餼生曰。使魯為其班。後鄭也。班次齊親班齊饋則亦使大夫戌齊矣。經不書蓋史闕文。鄭忽以其有功也怒故有郎之師。郎師在十年。公之未昏於齊也齊

侯欲以文姜妻鄭太子忽太子忽辭人問其故太子曰人各有耦齊大非吾耦也詩云自求多福。詩大雅文王言求福由已。非由人也。妻七計反。在我而已。大國何為君子曰善自為謀。言獨繫其身及謀不及國。及其敗戎師也齊侯又請妻之。欲以他女妻之。固辭人問其故太子曰無事於齊吾猶不敢今以君命奔齊之急而受室以歸是以師昏也民其謂我何。言必見怪於民。遂辭諸鄭伯。假父之命以為辭為十一年鄭忽出奔衛傳。秋大閱簡車馬也九月丁卯子同生。

以大子生之禮舉之接以大牢

大牢牛羊豕也。以禮接夫

人重適也。接如上士負之士妻食之

禮世子

三日士負之射人以桑弧蓬矢射天地四方士之妻為乳母。食音嗣射天地食亦

反公與文姜宗婦命之

世子生三月君夫人沐浴於外寢立於阼

階西鄉世婦抱子升自西階君命之乃降蓋同宗之婦

公問名於申繻

對曰名有五有信有義有象有假有類

申繻大

夫音須

以名生為信

若唐叔虞魯公子友

以德命為義

若文王名昌武王名發

以類命為象

若孔子首象尼丘

取於物

為假

若伯魚生人有饋之魚因名之曰鯉

取於父為類

若子同生有與

父同者不以國

以國君之子不自本國為名也

不以官不以山

川不以隱疾

隱痛疾患辟不祥也

不以畜牲

畜牲六畜不以

器幣

幣玉帛

周人以諱事神名終將諱之

君父之名

固非臣子所斥然禮既卒哭以木鐸徇曰舍故而諱新謂舍親盡之祖而諱新死者故言

以諱事神名終將諱之自父至高祖皆不敢斥言舍音捨

故以國則廢

名

國不可易故廢名

以官則廢職以山川則廢主

山川以畜牲則廢祀名羊則廢羊以器幣則

廢禮晉以僖侯廢司徒

僖侯名司徒廢為中軍

宋以武

公廢司空

武公名司空廢為司城

先君獻武廢二山

具教也。魯獻公名具。武公名敖。更以其鄉名山。○敖五羔反。是以大物不

可以命。公曰：是其生也，與吾同物，命之曰同。

物類也。冬，紀侯來朝，請王命以求成于齊。公

告不能。以紀微弱，不能自通於天子，欲因公請王命，公無寵於王，故告不能。

經七年春二月己亥，焚咸丘。咸丘，魯地，高平

鉅野縣南有咸亭，譏盡物，故書。夏，穀伯綏來朝，鄧侯吾離來

朝。不揔稱朝者，各自行朝禮也。穀國在南鄉，筑陽縣北。○筑音竹。

傳七年春，穀伯鄧侯來朝，名賤之也。辟陋小國，賤之。

禮不足，故書名。以春來，夏乃行朝禮，故經書夏。○辟匹亦反。夏，盟向，求成

于鄭，既而背之。盟向，二邑名，隱十一年王以與鄭，故求與鄭成。○盟音孟。

向，傷亮反。秋，鄭人、齊人、衛人伐盟向。王遷盟

向之民于邾。邾，鄭王城。冬，曲沃伯誘晉小子侯，殺

之。曲沃，伯武公也。小子侯，哀侯子。

經八年春正月己卯，烝。無傳，此夏之仲月，非為過而書者，為下五

月復烝見，瀆也。例在五年。○見賢遍反。天王使家父來聘。無傳，家父，

天子大夫。夏五月丁丑，烝。無傳。秋，伐邾。無傳。冬，十

月雨雪。無傳，今八月也。書。祭公來，遂逆王后

于紀。祭公，諸侯為天子三公者，王使魯主昏，故祭公來受命而迎也。天子無外故，因

桓八年

稱王后。卿不書舉重略輕。祭側界反。

傳八年春滅翼

曲沃滅之

隨少師有寵楚鬬伯比

曰可矣。雖有釁不可失也。

釁。瑕隙也。無德者寵國之釁也。夏

楚子合諸侯于沈鹿

沈鹿。楚地。

黃隨不會

黃。國名。今陽縣。

使遠章讓黃

責其不會。

楚子伐隨軍於漢淮之間

季梁請下之弗許而後戰

下之。請服也。所以退嫁反。

怒我而怠寇也。少師謂隨侯曰。必速戰。不然

將失楚師。隨侯禦之。望楚師

遙見。

季梁曰。楚

人上左。君必左

君。楚君也。

無與王遇。且攻其右。右

無良馬。必敗。偏敗。衆乃攜矣。少師曰。不當王

非敵也。弗從

不從。季梁謀。

戰于速杞。隨師敗績。隨

侯逸

速杞。隨地。逸。逃也。

鬬丹獲其戎車與其戎右少

師

鬬丹。楚大夫。戎車。君所乘兵車也。戎右。車右也。寵之。故以爲右。

秋隨及楚

平。楚子將不許。鬬伯比曰。天去其疾矣

去疾。謂少

師見獲而死。

隨未可克也。乃盟而還。冬。王命虢仲

立晉哀侯之弟緡于晉

虢仲。王卿士。虢公祭林父。緡。亡巾反。

公來。遂逆王后于紀。禮也

天子娶於諸侯。使同姓諸侯爲之主。

祭公來。受命於魯。故曰禮。

三傳卷二

八

經九年春紀季姜歸于京師季姜桓王后也季字姜紀姓也

書字者仲父母之尊夏四月秋七月冬曹伯使其世子

射姑來朝曹伯有疾故使其子來朝射姑音亦又音夜

傳九年春紀季姜歸于京師凡諸侯之女行

唯王后書為書婦人行例也適諸侯雖告魯猶不書巴子使韓服

告于楚請與鄧為好韓服巴行人巴國在巴郡江州縣楚子

使道朔將巴客以聘於鄧道朔楚大夫巴客韓服鄧南

鄙鄧人攻而奪之幣鄧在今鄧縣南沔水之北殺道

朔及巴行人楚子使遠章讓於鄧鄧人弗受

言非鄧人所攻夏楚使鬬廉帥師及巴師圍鄧鬬廉楚大夫

鄧養甥聃甥帥師救鄧三逐巴師不克鄧音大夫

而北衡橫也分巴師為二部鬬廉橫陳於其間以與鄧師戰而偽北也

鄧人逐之背巴師而來攻之楚師

宵潰宵夜秋虢仲芮伯梁伯荀侯賈伯伐曲

沃梁國在馮翊夏陽冬曹太子來朝賓之以

上卿禮也諸侯之適子未誓於天子而攝其君則以皮帛繼子男故賓之以上

左傳卷二

十九

卿。各當其位。之上。

享曹天子初獻樂奏而歎

始。

施父曰曹天子其有憂乎非歎所也

施父。

魯大天。施色。致反。

經十年春王正月庚申曹伯終生卒

未同盟而赴以。

夏五月葬曹桓公

秋公會衛侯于桃丘

弗遇

無傳。衛侯與公為會。其中。公更與齊。弗遇。故公獨往而不相遇也。桃丘。衛地。濟。

北東。河縣東。南有桃城。

冬十有二月丙午齊侯衛侯鄭

伯來戰于郎

敗。侵伐。而書來戰。善魯之出。周。班。惡。三國。言有辭。惡。烏洛反。

又鳥路反。

傳十年春曹桓公卒

終施父之言。

虢仲譖其大夫

詹父於王

虢仲。王卿士。詹父。屬。大夫。譖。側。鳩反。

詹父有辭以

王師伐虢夏虢公出奔虞

虞國。在河。秋。秦人。

納芮伯萬于芮

四年圍魏所執者。

初虞叔有玉

虞叔。虞公。

弟之。虞公求旃

旃。之也。旃。之然反。

弗獻既而悔之曰周

諺有之匹夫無罪懷璧其罪

人利其璧。以璧為罪。

吾焉

用此其以賈害也

賈。買也。音煙。賈音古。

乃獻之又求

其寶劍叔曰是無厭也將及我

將殺我。厭。於。

反鹽。遂伐虞公故虞公出奔共池

共池。地名。闕。共音洪。一。

音恭冬齊衛鄭來戰于郎。我有辭也。初北戎病

齊年在六諸侯救之。鄭公子忽有功焉。齊人餽

諸侯。使魯次之。魯以周班後鄭。鄭人怒。請師

於齊。齊人以衛師助之。故不稱侵伐。不稱侵伐。而以

戰為文。明魯直。諸侯曲。故言我有辭。以先書

齊衛王爵也。鄭主兵而序齊衛下者。以王爵

禮

經十有一年春正月。齊人衛人鄭人盟于惡

曹。惡曹地。關夏五月癸未。鄭伯寤生卒。同盟於元年。赴以名

秋七月葬鄭莊公。無傳。三月九月宋人執鄭

祭仲。祭氏。仲名。不稱行人。聽迫脅以逐君。罪

突歸于鄭。突厲公也。為宋所納。故曰歸。例在

祭仲。故鄭忽出奔衛。忽昭公也。莊公既葬。不

赴柔會宋公陳侯蔡叔盟于折。無傳。柔魯大

蔡叔。蔡大夫。叔名也。折地。關。折之設反。公會宋公子夫鍾。無傳。夫鍾

邾地。天音扶。冬十有二月公會宋公子闕。無傳。闕魯地在

東平須昌縣東南。關口暫反。

傳十一年春齊衛鄭宋盟于惡曹。宋不書。經闕楚

屈瑕將盟貳軫

貳軫二國名屈居勿反

鄭人軍於蒲騷

將與隨絞州蓼伐楚師

鄭國在江夏雲杜縣東南有鄭城蒲騷鄭

邑絞國名州國在河南郡華容縣東南蓼國今義陽棘陽縣東南湖陽城○鄭音云騷音蕭

絞古卯反

莫敖患之

莫敖楚官名鄭屈瑕○教五刀反

鬬廉曰鄭

人軍其郊必不誠且日虞四邑之至也

虞度也四

邑隨絞州蓼也邑亦國也君次於郊郢以禦四邑

君謂屈瑕也郊

郢楚地

我以銳師宵加於鄭鄭有虞心而

恃其城

恃近其城

莫有鬬志若敗鄭師四邑必離

莫敖曰盍請濟師於王

盍何不也濟益也

對曰師克

在和不在衆商周之不敵君之所聞也

商紂也周

武王也傳曰武王有亂臣十人紂有億兆夷人成軍以出又何濟焉

莫敖曰卜之對曰卜以決疑不疑何卜遂敗

鄭師於蒲騷卒盟而還

卒盟貳軫

鄭昭公之敗北

戎也

在六年

齊人將妻之昭公辭祭仲曰必取

之君多內寵子無大援將不立三公子皆君

也

子突子亶子儀之母皆有寵○妻七計反亶亡匪反

弗從夏鄭莊公

卒初祭封人仲足有寵於莊公

祭鄭地陳留長垣縣東北

有祭城封人守封疆者因以所守爲氏

莊公使爲卿爲公娶鄧

曼生昭公故祭仲立之曼鄧姓。為干。偽反。曼音萬。宋雍

氏女於鄭莊公曰雍姑生厲公雍氏姑姓。宋大夫也。以女

妻人曰女。雍於恭反。尼據反。姑其吉反。雍氏宗有寵於宋莊

公故誘祭仲而執之祭仲之如宋。非會非聘。見誘而以行人應命。

曰不立突將死亦執厲公而求賂焉祭仲與

宋人盟以厲公歸而立之秋九月丁亥昭公

奔衛己亥厲公立

經十有二年春正月夏六月壬寅公會杞侯

莒子盟于曲池曲池魯地。魯國汶陽縣北有曲水亭。秋七月丁

亥公會宋公燕人盟于穀丘穀丘宋地。燕人南燕大夫。八

月壬辰陳侯躍卒無傳。厲公也。十一年與魯大夫盟於折。不書葬。魯不

會也。王辰。七月二十三日。書於八月。從赴。公會宋公于虛虛宋地。去

魚反。冬十有一月公會宋公于龜龜宋地。丙戌公

會鄭伯盟于武父武父鄭地。陳留濟陽縣東北有武父城。丙戌

衛侯晉卒無傳。重書丙戌。非義例。因史成文也。未同盟而赴以名。十有

二月及鄭師伐宋丁未戰于宋既書伐宋。又重書戰者。以

見宋之無信也。莊十一年傳例曰。皆陳曰戰。尤其無信。故以獨戰為文。

傳十二年夏盟于曲池平杞莒也隱四年。莒人伐杞。自

是遂不平公欲平宋鄭秋公及宋公盟于句瀆之

丘句瀆之丘即穀丘也宋以立厲公故多責賂於鄭鄭人不堪故不平。句古侯反瀆

音豆宋成未可知也故又會于虛冬又會于龜

宋公辭平故與鄭伯盟于武父宋公貪鄭賂故與公三會

而卒辭不與鄭平遂帥師而伐宋戰焉宋無信也君

子曰苟信不繼盟無益也詩云君子屢盟亂

是用長無信也詩小雅言無信故數盟數盟則情疏情疏則憾結故云長

亂。長丁文反楚伐絞軍其南門莫敖屈瑕曰絞小

而輕輕則寡謀請無扞采樵者以誘之扞衛也樵

新也。輕遣政反扞戶旦反從之絞人獲三十人獲楚人也明

日絞人爭出驅楚役徒於山中楚人坐其北

門而覆諸山下坐猶守也覆設伏兵而待之。覆扶又反大敗之

為城下之盟而還城下盟諸侯所深恥伐絞之役楚師

分涉於彭彭水在新羅昌魏縣羅人欲伐之使伯嘉謀

之三巡數之羅熊姓國在宜城縣西山中後徙南郡枝江縣伯嘉羅大夫謀

伺也巡徧也。數色主反

經十有三年春二月公會紀侯鄭伯己巳及

齊侯宋公衛侯燕人戰齊師宋師衛師燕師

敗績

大崩曰敗績。例在莊十一年。或稱人。或稱師。史異辭也。衛宣公未葬。惠公稱侯。

以接鄰國。

三月葬衛宣公

傳無夏大水。秋七

月冬十月

傳無

傳十三年春。楚屈瑕伐羅。鬬伯比送之。還謂

其御曰。莫敖必敗。舉趾高。心不固矣。

也。趾足。遂

見楚子曰。必濟師。

難言屈瑕將敗。故以益師。諷諫。見賢遍反。難乃旦。

楚子辭焉。

不解其旨。故拒之。解戶買反。

入告夫人鄧曼。

鄧曼曰。大夫其非衆之謂。

言伯比意不在於

益衆也。

其謂君撫小民以信。訓諸司以德。而威

莫敖以刑也。莫敖狃於蒲騷之役。將自用也。

狃。伏也。蒲騷在十一年。

必小羅。君若不鎮撫

其不設備乎。夫固謂君訓衆而好鎮撫之。

撫

民以信也。

呼報反。又如字。

召諸司而勸之以令德。

訓諸司以

德也。

見莫敖而告諸天之不假易也。

諸之也。言天不借貸

慢易之人。威莫敖以

刑也。

易以政反。

不然。夫豈不知楚師之

盡行也。楚子使賴人追之。不及。

賴國在義陽。隨縣賴人仕

於楚者。

盡津忍。

反。此類可以意求。

莫敖使徇于師。曰。諫者有

刑。

徇。宣令也。

及鄢。亂次以濟。

鄢水在襄陽宜城縣入漢。

於晚反又遂無次且不設備及羅羅與盧戎

兩軍之盧戎南蠻大敗之莫敖縊于荒谷羣帥囚

于冶父縊自經也荒谷皆楚地以聽刑楚子曰孤之

罪也皆免之宋多責賂於鄭立突鄭不堪命

故以紀魯及齊與宋衛燕戰不書所戰後也

公後地期而及其戰故不書所戰之地鄭人來請脩好

經十有四年春正月公會鄭伯于曹脩十二年武父

之好以曹地曹與會無冰無傳書時失夏五不書月鄭伯使

其弟語來盟秋八月壬申御廩災御廩藏公所親耕以

奉染盛之倉天火曰災例乙亥嘗乙亥嘗光其時亦

在宣十六年廩力錦反冬十有二

月丁巳齊侯祿父卒無傳隱六年盟於艾宋人以齊人

蔡人衛人陳人伐鄭凡師能左右之曰以例在僖二十六年

傳十四年春會于曹曹人致餼禮也熟曰饗生曰餼

夏鄭子人來尋盟且脩曹之會子人即弟語也其後為子

氏秋八月壬申御廩災乙亥嘗書不害也災

屋救之則息不及穀故曰書不害冬宋人以諸侯伐鄭報宋

之戰也在十年焚渠門入及大逵渠門鄭城門道方九軌

伐東郊取牛首

東郊鄭郊鄭邑牛首鄭邑

以大宮之椽歸為

盧門之椽

大宮鄭祖廟盧門宋城門告伐而不告入取故不書大音泰

經十有五年春二月天王使家父來求車三

月乙未天王崩

無傳桓王也

夏四月己巳葬齊僖

公無五月鄭伯突出奔蔡

突既篡立權不足自固又不能倚

任祭仲反與小臣造賊盜之計故以自奔為文罪之也例在昭三年

鄭世子忽

復歸于鄭

忽實居君位故今還以復其位之例為文也稱世子者忽為太子有

母氏之寵宗卿之援有功於諸侯此太子之盛者也而守介節以失大國之助知三公子

之強不從祭仲之言修小善繫小行從匹夫之仁忘社稷之大計故君子謂之善自為謀

言不能謀國也父卒而不能自君鄭人亦不君之出則降名以赴入則逆以太子之禮始

於見逐終於見殺三公子更立亂鄭許叔入國者實忽之由復歸例在成十八年

于許

許叔莊公弟也隱十一年鄭使許大夫奉許叔居許東偏鄭莊公既卒乃入居

位許人嘉之以字告也叔本不去國雖稱入非國逆例

公會齊侯于艾

邾人牟人葛人來朝

無傳三人皆附庸之世子也其君應稱名故其

子降稱人牟國今泰山牟縣葛國在梁國寧陵縣東北

秋九月鄭伯突

入于櫟

櫟鄭別都也今河南陽翟縣未得國直書入無義例也櫟音歷

冬

十有一月公會宋公衛侯陳侯于袤伐鄭

宋

地。在沛國相縣西南。先行會禮而後伐也。袤昌氏反相息亮反

傳十五年春天王使家父來求車非禮也諸

侯不貢車服車服上之天子不私求財諸侯

職貢祭仲專鄭伯患之使其壻雍糾殺之將享

諸郊雍姬知之謂其母曰父與夫孰親其母

曰人盡夫也父一而已胡可比也婦人在室則天父出

則天夫女以為疑故母以所生為本解之遂告祭仲曰雍氏舍其

室而將享子於郊吾惑之以告祭仲殺雍糾

尸諸周氏之汪汪池也周氏鄭大夫殺而暴其尸以示戮也○金音捨汪

鳥黃反暴公載以出其尸共出國曰謀及

婦人宜其死也夏厲公出奔蔡六月乙亥昭

公入許叔入于許公會齊侯于艾謀定許也

秋鄭伯因櫟人殺檀伯而遂居櫟檀伯鄭守櫟大夫

冬會于袤謀伐鄭將納厲公也弗克而還

經十有六年春正月公會宋公蔡侯衛侯于

曹夏四月公會宋公衛侯陳侯蔡侯伐鄭春既

謀之今書會者魯諱議納不正秋七月公至

自伐鄭禮用飲至之冬城向傳曰書時也而下有十一月舊說因

謂傳誤此城向亦俱是十一月但本事異各隨本而書之耳經書夏叔弓如滕五月葬滕

成公傳云五月叔弓如滕。即知但稱時者。未必與下月異也。又推校此年。閏在六月。則月却而節前。水星可在十一月而正也。詩云。定之方中。作于楚宮。此未正中也。功役之事。皆揔指天象。不與言歷數同也。故傳之釋經。皆通言一時。不月別。○向失亮反。定丁侯反。

十有一月。衛侯朔出奔齊。惠公也。朔讒構取國。故不言二公子

逐罪之也

傳。十六年春正月。會于曹。謀伐鄭也。前年冬。謀納厲

公不克。故復更謀。夏伐鄭。秋七月。公至自伐鄭。以飲

至之禮也。冬。城向。書時也。初。衛宣公烝於夷

姜。生急子。夷姜。宣公之庶母也。上淫曰烝。屬諸右公子。為之

娶於齊而美。公取之。生壽及朔。屬壽於左公

子。左右媵之子。因以為號。○屬音。夷姜縊。失

而自經死。宣姜與公子朔構急子。宣姜。宣公所取急子之妻。構會

其過惡。○構古豆反。○會古外反。公使諸齊。使盜待諸莘。將殺

之。莘。衛地。陽平縣西北有莘亭。○公使所吏反。莘所巾反。壽子告之。使

行。行去也。不可。曰。弃父之命。惡用子矣。惡。安也。○惡音

鳥。有無父之國。則可也。及行。飲以酒。壽子載

其旌以先。盜殺之急子。至曰。我之求也。此何

罪。請殺我乎。又殺之。二公子故怨惠公。十一

月左公子洩右公子職立公子黔牟

黔牟。羣公子。

飲於鳩反。夷息列反。黔其兼反。惠公奔齊

經十有七年春正月丙辰公會齊侯紀侯盟

于黃

黃。齊地。

二月丙午公會邾儀父盟于趯

地。稱字。義與蔑盟同。二月無丙午。丙午。三月四日也。日月必有誤。趙翠軌反。夏五

月丙午及齊師戰于奚

奚。魯地。皆陳曰戰。

六月

丁丑蔡侯封人卒

十一年大。夫盟于折。

秋八月蔡季自

陳歸于蔡

季蔡侯弟也。言歸為陳所納。

癸巳葬蔡桓侯

稱侯。蓋謬誤。三月而葬。速。及宋人衛人伐邾冬十月朔日

有食之

甲乙者。歷之紀也。晦朔者。日月之會也。日食不可以不存。晦朔。晦朔須甲乙而可推。故日食必以書朔日為例。

傳十七年春盟于黃平齊紀且謀衛故也

齊欲

滅紀。衛逐其君。

及邾儀父盟于趯尋蔑之盟也

元

夏及齊師戰于奚疆事也

界也。

於是齊人

侵魯疆疆吏來告公曰疆場之事慎守其二

而備其不虞

虞。度也。不虞猶不意也。場音亦。

姑盡所備焉

事至而戰又何謁焉

齊背盟而來。公以信待。故不書侵伐。蔡桓

侯卒蔡人召蔡季于陳

桓侯無子。故召季而立之。季內得國人之

望。外有諸侯之助。故書字。以善得衆。稱歸以明外納。秋。蔡季自陳歸于

蔡。蔡人嘉之也。嘉之。故以字告。伐邾。宋志也。邾。宋魯從

宋志。背盟。冬。十月朔。日有食之。不書日。官失之

也。天子有日官。諸侯有日御。日官。日御。典歷數者。日官

居卿以底日。禮也。日官。天子掌歷者。不在六卿之數。而位從卿。故言居

卿也。底。平也。謂平歷數。日御不失日。以授百官于

朝。日官。平歷以班諸侯。諸侯初。鄭伯將以高奉之。不失天時。以授百官。

渠彌爲卿。昭公惡之。固諫不聽。昭公立。懼其

殺已也。辛卯。弑昭公而立公子亶。公子亶。昭公弟。

烏路反。君子謂昭公知所惡矣。公子達曰。公

達。魯大夫。高伯其爲戮乎。復惡已甚矣。復。重也。本爲昭公所

惡。而復弑君。重爲惡也。

經十有八年春。王正月。公會齊侯于灤。灤。水

南。歷城縣西北。人濟。公與夫人姜氏遂如齊。

公本與夫人俱行。至灤。公與齊侯行會禮。故先書會樂。既會而相隨至齊。故曰遂。夏

四月丙子。公薨于齊。不言戕諱之也。丁酉。

公之喪至自齊。無傳。生。廟也。丁酉。五月。秋七月。

冬十有二月己丑。葬我君桓公。無傳。九月。乃葬。緩慢也。

傳十八年春公將有行遂與姜氏如齊

始議行事

申繻曰女有家男有室無相瀆也謂之有禮

易此必敗

女安夫之家夫安妻之室違此則為瀆今公將姜氏如齊故知其當

致禍

公會齊侯于濼遂及文姜如齊齊侯通

焉公謫之

謫譴也適直革反

以告

夫人告齊侯

夏四月丙

子享公

齊侯為公設享燕之禮

使公子彭生乘公公薨

于車

上車曰乘彭生多力拉公幹而殺之垂如字又純證反拉力答反幹古旦反

魯人告于齊曰寡君畏君之威不敢寧居來

脩舊好禮成而不反無所歸咎惡於諸侯請

以彭生除之

除恥辱之惡也

齊人殺彭生

不書非卿

秋齊

侯師于首止

陳師首止討鄭弒君也首止衛地陳留襄邑縣東南有首卿

子豐會之高渠彌相

不知齊欲討已相息亮反

七月戊

戌齊人殺子豐而輟高渠彌

車裂曰輟

祭仲

逆鄭子于陳而立之

鄭子昭公弟子儀也

是行也祭仲

知之故稱疾不往人曰祭仲以知免仲曰信

也

時人譏祭仲失忠臣之節仲以子豐為渠彌所立本既不正又不能固位安民直其

見除故即而然譏者之言以明本意

周公欲弒莊王而立

王子克

莊王桓王太子王子克莊王弟子儀

辛伯告王遂與王

殺周公黑肩王子克奔燕辛伯。周大夫。初子儀有

寵於桓王桓王屬諸周公辛伯諫曰竝后如

音燭匹嫡庶如兩政臣擅耦國都如亂之

本也周公弗從故及難也

華洲

藏書

春秋經傳集解桓公第二

